

B. N. C
FIRENZE
1018
6

1018.6

XXVII

ORICH

in 1549

STANISLAI ORICHOVII ⁹³

RHV TENI

ORNATA ET COPIOSA ORATIO

HABITA IN FVNERE

SIGISMVNDI IAGELLONIS

POLONIAE REGIS.



V E N E T I I S

M D X L V I I I



L Egimus nuper ad nos ex intima usq; Sarmatia
missam orationem, in Sigismundi Poloniae re-
gis funere illic habitam: quæ nobis uisa est, lon-
ge plura ac maiora habere in recessu quàm prima fron-
te promittat. Ita tum felici rerum ac sententiarum co-
pia, tum uero amabili quadam dicendi suauitate, et pru-
dentissima totius causæ dispositione adducti, dignam
eruditissimi cuiusq; lectione iudicauimus: et in gratiam
doctorum hominum publicandam libenter curauimus.
Illud ab amico lectore dari nobis uolumus, uti iudicium
suspendat, quoad totam planè perspexerit: neue quod
fidei studio detulimus, priusquàm intellectum sit, neglectū
relinquat. Eam si perlegeris gratias (certe scio) habe-
bis, ingeniumq; & doctrinā Rbuteni hominis admira-
beris. Hinc enim & Polonicarū seu mauis Sarmatica-
rum rerum historiam scitu dignissimam, non sine uolu-
ptate intelliges: & qualem esse regem, qualiterq; ab eo
regiam rempub. administrari oporteat, summa pruden-
tia uidebis expressum. Sed tu orationem ipsam legens,
de re tota melius iudicabis. Vale.



P I L T R E V

II V D E C T I O R I A T E

1018. 6.

STANISLAI ORICHOVII
RHVTENI

ORATIO HABITA IN FVNERE
SIGISMVN DI IAGELLONIS
POLONIAE REGIS



EX NOSTER MORTVVS EST,
si tamen ille mori potuit, quem sua præ-
stans, atq; regia uirtus immortalem an-
te obitum reddiderat: quam ille cum con-
stanter in omni uita coleret, quid tandē
est, cur hunc mortuum dicamus esse po-
tius, quam hoc mortali corpore exutum,
ad illam immortalem uitam abiisse, ad quam sibi iter so-
brie, iuste, ac pie uiuendo parauerat? Abijt ergo hinc: uos
flenteis, ac dolenteis reliquit in hoc squalore, ac sordibus:
quibus obstiti, in funere ipsius comparemus. Nobis cum
illo perire omnia Equites: illi uero nihil, præter hoc mor-
tale corpus, decessit. pro quo tamen ipso, cumulatur nunc
ipsius acta uita eternitate, atq; immortalitate sempiterna.
nostra autē hæc mors, uerius quā uita, illius a nobis disces-
su quam afflictā, exinanitāq; sit, testes sunt moeror hic ue-
ster, ac uestræ piæ lachrimæ, quibus deflemus, non inter-
tum Regis nostri, qui nullus illi est, sed orbitatem nostrā.
Amisimus enim Equites non dominum, nihil. n. ille minus
nobis fuit, sed iustissimum regem, atq; indulgentissimum
patrem. qui cum unum, & quadragessimum annum regna-
ret apud nos, quod exemplum regnans non dedit iusti, ac
moderati imperij: aut quod monimentum post se non reli-
quit in hoc regno, humanitatis, mansuetudinis, atq; bene-
ficentiæ erga uos singularis? Quocunq; te animo, atq; ocu-
lis conuerteris, plena omnia exemplorum illius sapientiæ,
iustitiæ, fortitudinis, tēperantiæ ac uirtutum omnium reli-
quarum reperies. Siue Ecclesiam Dei uideas, quā ille in-
tegram, atq; incorruptam in Polonia præstitit: siue ipsam
rempub. quam ille, tanq; bonus pater unicam filiam in

LIVONICIA 121
linu suo cōplexus; tam domi, q̄ foris, tam pace, q̄ bello fo-
uit, auxit, ac omnibus ornamentis cumulauit. In qua qui-
dem Repub: talem se ille regem gessit, ut & omnes ante
se reges facile uinceret, & ceteris post se spem imitandi adi-
meret. Cedant huic omnes reges, soli etiam scientiam re-
gnandi concedant, non Cyrus ille, non Agelilaus partem
laudis aequalem, ac gloriæ cum hoc petant. qui non tam re-
bus ipsis, quam scribentium ingenijs magni fuerunt. de ijs
enim non ad ueritatem historiæ, ut uidetur, sed ad imitatio-
nis exemplum Græci homines multa fecte scripserunt. At
hic noster Sigismundus regum rex, non solum bene ui-
uendo, ac sapienter regnando Cyrum, atque Agelilzum su-
perauit, aut si quid in regū genere maius hisce fuit, sed etiam
illorum ipsorum scripta, qui de illis regibus eloquentissime,
copiosissimeq; scripserunt. melius hic uixit, quam illi dixe-
runt: melius regnauit, quam preceperunt. Ita Sigismundus
rex noster non fictum, neq; stylo adumbratum, sed uiuum
exemplum, atque rebus ipsis expressum ceteris regibus a
Deo fuit propositum, ut in hoc rege, ceu in quodam illu-
stri monumento, essent repositæ omnes regiæ uirtutes:
unde sumi posset quo humanum genus seruari, quo regnæ
administrari, quo iura, mores, instituta, leges in ho-
minum uita sancte, ac quiete possint retineri. Quid? solis
ne regibus ille exemplū uiuendi fuit? minime uero Equi-
tes. nemo enim etiam sortis infimæ reperietur, qui ad bene,
beateq; uiuendum ex hoc rege exemplum non possit sibi
sumere. siue enim religionem ipsam spectes, quæ anacho-
ritam sanctimoniam uitæ non uicit? siue etiam has uirtutes
uitæ communis consideres, nempe patiētiam, obsequium,
modestiam, ac temperantiam, quis non dico in summo im-
perio rex, sed homo ipse priuatus, quem angusta res coer-
cet, hac ista commendatione Sigismundo par fuit? pauci
Equites, & haud scio an aliquis omnino fuerit: ita ille sum-
mam uitæ absoluit, ut sapientia reges, priuatos uero, mo-
deratione uitæ antecelleret: talemq; se in omni uita priua-
tam, ac publice præberet, ut id nulla orationis copia, ut pat-

est, explicari possit, ne illius quidem Xenophontis Græci,
 cuius ore mulas tum loquutas ferūt, cum Cyrum illum suū,
 atq; Agesilaum uerbis magnos faceret. At ne me quis ad
 Græcorum morem temporis, ac luctus uestri causa magna
 hæc facere existimet, ostendam Equites talem regem nos
 amisisse, qualis in Polonia ante Sigismundum nemo, extra
 Poloniam uero pauci, omnino apud omnes gentes fuerunt,
 siue bona ipsius propria spectes, siue quæ illi natura, aut for-
 tuna largita fuit, consideres, ut merito mors huius optimi
 regis dolorē huic Senatui, mœrorē Equestri ordini, squa-
 lorem Poloniæ, luctum, ac gemitum omnibus attulerit. Et
 ut hæc ex iusto dolore profecta esse, ac amore intimo om-
 nes intelligant, breuiter mihi dicendum est quod genus ui-
 ri fuerit: qui in regnando mores, quæ fides erga illum, & uo-
 lunias uestra, utilis erit, & grata hæc oratio nō solum nobis
 in malis nostris, sed etiam his, qui cū laude uiuere, aut glorio-
 se regnare concupiuerunt. Sic. n. de Sigismundo rege lo-
 quar, ut nihil nisi singulare, nisi regium, nisi diuinū de hoc
 rege a me sitis audituri: idq; quod dicam, non facultate ora-
 tionis meæ, a qua longissime absum, illustrabo, sed rebus ip-
 sius gestis, atq; exēplis cum sua sponte clarissimis, tum uero
 uobis notissimis. non abutar enim conscientia uestra. Equi-
 tes, falsam enim gratiam ab illo mortuo quid inire studeā?
 quæ tota morte ipsius sublata est. sola illius uirtus man-
 sisse immortalis, de qua sine inuidia audiendum est, ut illius cla-
 rissimi uiri recordatione, ac desiderio uota faciamus, quo
 Deus noster similes Sigismundo regnare in Polonia uelit;
 si non omnes. (nam id sperare fere iam fas non est,) ac sal-
 tem aliquos. hoc nos certe animo esse in hoc exequiarū mu-
 nere conuenit, ut Deus non huic tantum mortuo, sed etiam
 ipsi Poloniæ regno, nobisq; sit propitius, nostrasq; res afflic-
 tas, atq; in desperationem propemodum adductas be-
 nignus aspiciat. Me etiam ut attente audiat, et si ro-
 gandi non estis, mœror enim hic uester uos
 satis attentos facit, tamen ut consuetudi-
 nem seruem, rogo.

A iij



IGISMVNDVS REX, auum habuit Vula
dislaum Iagellonē, qui ex Lithuana gente in Po
lonia regnauit primus, uirum omnibus tam bel
licis, quam religionis laudibus cumulatū. qui
cui octo, & quadraginta annos in Polonia regnasset, mul
ta trophæa de hostibus omnis generis constituit, inter quos
Germanos memorabili pugna ad Dumbrounū in Prussia
deuicit, & quod nulli unq̃ regum, neq; nationum de Ger
manis licuit, hic solus est inuentus, qui cælis in acie uno die
Germanorū quinquaginta milibus, Germanos a Polonis
posse uinci docuerit. Prætereo alias uictorias, atq; triūphos
ipsius uarios, atq; infinitos, quod illi nūc nihil ad nos, celsi ad
nos, nihil ad hoc tēpus, de quibus tñ eruditi homines multa
scripserunt. hoc tñ dicā, id quod a patribus traditum memi
nisse debetis, magnum hunc, & excellentē regem, ac admi
rabili regnandi sapientia in Polonia fuisse, qui non satis se
functum officio, ac munere regio putabat, si tantum res hu
manas administraret, nisi etiam res diuinas summo studio
curaret. Itaque Lithuanam sine Deo gentem, ac impiam an
te hæc, ad ouile Christi primus adduxit, in Ecclesiamq; dica
uit. Deinde, cum litteras ipse nullas sciret, tamen hic omne
litterarum genus, ac musas ipsas tam Latīnas, q̃ Grecas in
Poloniam introduxit. nullum regnum esseratus, absq; li
teris, nihilq; sancti ac iusti, neque honesti ibi posse esse, ubi
philosophiæ non uersaretur nomen: quod illa ex agresti
bus ciuileis, ex immanibus mites, ex barbaris doctos, ex ho
minibus postremo deos ipsos faceret. Huic ergo tam ex
cellenti siue arti, siue uirtuti, siue diuinitati potius cuidam;
Vuladislaus Iagello domicilium in ea urbe collocauit, quæ
caput ipsius regni fuit. Cracouiæ enim gymnasium con
didit, quod omni uirtutis ingenij, ac doctrinæ laude ad hæc
diem floret, ut inde, tanq̃ ex equo Troiano, in numerabiles
uiri prodierint sapientia, & doctrina præstantes. In hoc n.
gymnasio Iagellonis opera, nō seposita aliqua philosophiæ,
seu sapientiæ pars tractatur, sed tota ipsa, omnibus suis par
tibus perfecta, atq; absoluta. Summa hæc laus est Equites,

ingens Iagellonis gloria, immortale etiam in uos, liberosq;
 uelut meritum huius optimi, & diuini regis, quo ille
 tanquam luce quadam, atq; splendore mirifico, obruit om-
 nes uictorias, laudesq; non solum suas, sed etiam aliorum,
 qui Sarmatiam illam feram, & indomitam hac ista huma-
 nitate litterarum expoliuit, ut cum ferocius gente Polona
 antea fuerit nihil, nunc contra beneficio doctrinae hac eadē
 nihil uideatur esse mansuetius, neq; humanius. Hanc ergo
 humanitatem, quam in templis, quam in foro, quam in re-
 gno ac in moribus nostris uersari uidetis, Iagelloni regi
 omnem debemus: qui accersitis in Poloniam litteris, adhi-
 bitisq; earum doctoribus, nos ab agresti uita, ad ciuilem uo-
 cauit, nobisq; persuasit, humanitate, & doctrina nihil esse
 melius, contra uero feritate, ac inhumanitate nihil esse ho-
 mine indignius, qua una re, atq; sola immortalem gloriam
 ille est adeptus. Nam uincere bello Germanos magnū qui-
 dem illi fuit, sed, quod uictoriae non bonorum uirorum sunt
 tantum, sed interdum etiam malorum, ideo uera carent lau-
 de: ac curare, ut pie, caste, ac religiose uiuatur ab his, quibus
 prelis, solius ē (mihi credite) hominis pii, casti, atq; religiosi.
 Iam uero, nisi diuino aliquo animi motu Iagello rex maio-
 ra concupisisset, & nisi fuisset natura philosophia in huius
 uiri mēte quaedam, quomodo ille aut de litteris ipsis, aut de
 illorum doctoribus, ac de gymnasio condendo cogitare
 potuisset, praesertim cum litteram ipse legeret nullam? Quā
 autem chara fuerit Deo opt. max. hac Iagellonis mens, atq;
 uoluntas, inde apparet, quod ipsius genus longe, lateq; re-
 gnare, non in Sarmatia solum, sed in Hungaria, Bohemia,
 Silesia, atq; Morauia longæuum, ac gloriosum uoluit: ut
 Iagellana progenies singulari Dei beneficio edita in hanc
 lucem esse uideatur ad retinendos homines in hac ciu. li so-
 cietate, ad erudiendam uitam illorum communem, ad con-
 stituenda regna, ad unienda imperia, denique ad proferen-
 dos fines humanitatis, atq; religionis. Iam uidetis Equi-
 tes, quæ uestra est sapiētia, e quo fonte profluxerit Sigismū-
 dus rex ad hominum uitam gubernandam, atq; conser-

uandam, quam puro, quam sancto, quamq; repletò omni
militiæ atq; sapientiæ laude immortalī. Sed antequam de Si-
gismundo dicam, audite per quos uiros hæc uirtus ad
Sigismundum peruenit. Iagellone cuius sublatò Vula-
dislaus eius filius maior natu, huius autem Sigismundi pa-
truu, regnum paternum suscepit. dignissimus filius illo
patre, ac successor intiendo paterno regno, omnium acer-
rimus. qui extrema pueritia a Polonis rex est factus, Ineu-
te uero adolefcentia, rex est ab Hungaris absens expetitus
bello Turcico maximo, atq; acerrimus hostibus. tanta opi-
nio de illo animos omnium peruaferat, ut in illius indole,
salus omnium gentium repofita putaretur: ita, ut & Polo-
nis dare salutem, & Hungaros liberare periculis poffe uide-
retur. tanta uirtus huius regis fuit, tantus ad uirtutem im-
petus, ut præter ætatem, periculofissimis temporibus, maxi-
mis undiq; feptus hostibus, duo regna maxima Sarmatiæ
atq; Hungariæ, summa atque incredibili uirtute conserua-
rit. Scythas in Ruffiam irruentes sæpe uicit, Valachos Po-
lonis adiunxit, Amuratem ipsum spe, atq; cupiditate Hun-
gariæ imminentem cum uniuersa Asia, ex Hungaria uictū;
fugatumq; expulit, atq; elecit. Cui quidem regi, ueluti Aa-
ronem quendam, sanctissimum, atque fortissimum uirum
Ioannē Capistranum de familia Francisci, Eugenius quar-
tus in focietatem Turcici belli miserat: quo ille administro;
atq; comite, non solum Hungariam, sed omnes Christiano-
rum prouincias ab æterno interitu conseruauit. Nam quā-
diu uita incolumis Vladislao fuit, tamdiu Turcarum ge-
nus minus potens, ac minus formidabile prouincijs nostris
fuit. Illo uero Varnensi prælio uictò, quod ille uirtuti, ac re-
bus fecundis confusus, impari militū manu cū Amurate con-
fixerat, tantū Turcarū tyranni postea sunt adepti, quantū
nūquam eo uiuo optare sunt ausi. In quo tamen prælio eni-
tuit illa Iagellonis excellens, atq; inuicta in hoc rege uirtus.
cum enim inclinaret iam uictoria, spesq; in sola restaret fu-
ga, & cum ceteri exceptis Polonis fugerent omnes, ille ue-
luti Cæsar alter, sui oblitus in confertissimas hostium cohor-
tes, opem

tes, opem laturus suis, cū magna hostium strage se immisit:
& cū quidam ul ex praelio reuocare iuuenem conarentur, se
rox monitoribus respondit. non esse sui sanguinis uincere
uelle, & fugere. O generosam mentē, & magno rege dignā.
Non ego te eo praelio peris̃se dicam VVLADISLAE, neq̃
imaturā mortē hoc loco deflebo tuam. uisus enī rerū ge
starum tuarum gloria, & quandiu hic Sol terras aspiciet, ut
ues. nam quod tibi aut puerilis aetas negauit, aut immatu
ra mors ademit, id tu suppleuisti uirtute tibi. quam ad hanc
diem, non Hungari solum, pro quibus sanguinem sudisti,
neq̃ Poloni, quorum cū patribus illo in praelio occubuisti,
sed illi ipsi Turcæ, gentesq̃ oēs barbaræ a te deuictę uenerā
tur, fatalemq̃ tuum sanguinem, ad delēdū Othomanicū no
mē, sibi esse arbitrātūr. Sed me longius prouexit Equites
recordatio huius regis, cum grato quodam desyderio cōiun
cta, & quod hoc intuens corpus, de illis quoq̃ recorder, qui
ex eodem sanguine erant creti, unde & hoc erat sumptum.
Nūc ergo relinquā patruū Sigismūdi, tantī, ac tam inuicti
spiritus regē, et ad parētes ipsius iā uobis breuiter ostēdēdos
descēdā. uos quæso, qđ adhuc fecistis, me diligēter audiat̃s.
Vuladislao Varnensi praelio extincto, Casimirus frater, hu
ius autem Sigismundi pater, regnum suscepit fraternum at
que paternum, quinq̃, & quadraginta annos in Polonia re
gnauit, quo in spacio res ille tantas gessit, ut si de singulis mi
hi dicendū sit, abuterer tempore, & auribus uestris Equites.
ipse etiam me ignorare uiderer, si ad res magnas huius ex
cellentis regis, orationem nequaq̃ parem adhiberē, præfer
rim cum ad ipsum Sigismundum tota properet oratio. hic
tamen Casimirus quārus rex fuisse, inde sciri potest, quod
contra potentissimos reges, atq̃ summos Imperatores, non
solum suę etatis, qua ille regnauit, sed omnis ante illū memo
riæ, Poloniæ regnum incredibili uirtute defendit. nam cum
Matthia rege Hungariæ fortissimo, atq̃ bellicosissimo, bel
lū in Sclesia acerrimū gessit, & Stephanū Valachiæ Palati
nū, bellatorē indytum, parere Polonorū imperio coegit, &
Machometem Turcarū tyrānum, ex Valachia expulit, pa

et petere coegit. Prussiam maximo bello perdomuit. Mo-
scourā deuicit. Scythiam sæpe repressit, pacem, ocium, ac trā-
quillitatem armis, atq; legibus in suo regno diligenter custo-
diuit, quibus ille rebus cum esset apud omnes clarissimus,
facile obtinuit, ut externis etiam auxilijs regnum Poloniæ
muniret. quod sciret, regna, nisi finitimorū opibus, ac bene-
uolentia iuuarent, firma non esse. Itaq; quod armis, atq; bel-
lo assequi non potuit, ut pax illi cum Germanis de Prussia ef-
fet: id uxore ex Germanis ducta, est assequutus. Nam de do-
mo Austriæ clarissima, atq; totius Germaniæ potentissima,
eaq; imperiali uxorem duxit Elisabetam, huius istius Sigis-
mundi matrem, filiā autē Alberti Ducis, qui idē Romanis,
Hungaris, atq; Bohemis rex fuit. cuius nuptiæ, cū essent ple-
næ dignitatis, plenę concordiæ, ac regiæ cuiusdā maiestatis,
ita tñ fecunditate, atq; prole beatæ fuerunt, ut uix e ueteri re-
gum memoria, ullius nuptiæ, cum his Casimiri cōferri queāt.
nati enim sunt inde filij sex, oēs patri superstites. quorū, serie
quadā mirabili, atq; diuina, Vladislaus natu maior, in Hun-
garia regnauit uiuo patre, Ioannes Albertus autem in Polo-
nia patri successit, illi Alexander, huic uero sigismundus hic
rex. Restabant duo, quod illis credo meliora regna hisce ter-
renis debebantur, Casimirus, et Fridericus. quorum alter in-
diuos relatus est, alter uero urbis Romæ Cardinalis fuit.)
Filiæ quoq; septem numero, ex hoc eodem matrimonio sus-
ceptas, omnes Germanis principibus in matrimonium de-
dit. atq; ita genere, ac sanguine suo cunctā Germaniam Ca-
simirus compleuit, ut pauci sint ex omnibus Germanis prin-
cipibus, qui cōsanguinei non sint Polonis. Felix Casimi-
rus hac illa Deo grata, ac tam illustri apud omneis genteis
sobole, ex quo tot, ac tanti orbis terræ conseruatores prodie-
runt. Qui felicior ne in suscipiendis liberis, an diligentior in
educandis fuerit, non facile dixerim, nā ut filias prætermi-
tam, quę summa pudicitia, & digna illo loco, ac genere cura,
a matre sanctissima, atq; diligentissima foemina educaban-
tur: filij certe ea disciplina fuerunt instituti, ut non regis filij:
sed priuati cuiusdam uiderentur esse. nullus in ijs educandis

regius sumptus, Iuxus nullus, sed sūma moderatio in uictu,
amictu, atq; cultu adhibita fuit. norat siquidem ille sapien-
tissimus rex, atq; idem pater optimus, fundamētum esse om-
nis reliquę uitę, cum priuatę, tum publicę, institutionem ip-
sam, educationemq; puerilem. hinc enim petuntur primū
rudimenta illa ad laudem, & ad gloriā disposita, nempe
quid honestum, quid turpe, quid iustum, quid iniustū, quid
expetendum, quid fugiēdum sit, quid Deo, quid parēntibus,
quid amicis, quid ciuib; quid legibus, quid ipse dentq; rei-
pub. debeas, quę nisi tu ineunte ætate, in angustia, ac seuera
uita cognoueris, inutilis homo, perniciosus rex tuus fueris, ne-
cesse est. Quid enim per Deos immortales ab eo expectes,
qui sine ullis honestis præceptis, ex puellarum coetu emer-
sus, a cantu, a tibia, a luxu, a mascara, a uino, a somno, a stu-
pro, ad summum Imperium accesserit: iactabit se mihi crede
illius intemperantia in illa copia insolētius, neq; quomodo
prosit, sed quomodo oblit rebus communibus, cogitabit.
Nam cum uoluptas ipsa per se uirtuti sit inimica, tum uero
si ad illam potestas aliqua maior, aut imperium accedat: in-
furerem agitur, de statuq; omni mētem exturbat humanā.
Ex hac tali ratione illę humani generis pestes prodire par-
tim crudeles, partim uero effœminati tyranni. hinc enim
Busiris, atq; Phalaris illi ueteres, hinc Neronēs isti recentio-
res, ac crudeles tyranni, hinc etiā effœminati Sardanapali
sunt orti. quorum uitam si inspicias, facile reperiēs ineuntem
ætatem illorum, non parsimonię, neque disciplinę radi-
cibus, sed ipsius uoluptatis, atque licentię illecebrę nixam
fuisse. Horum exemplis admonitus Casimirus rex, nihil
prius habebat, quam ut illam primam filiorum suorum æta-
tem, certis legibus, pudoris, uerecundię, modestię, atque ip-
sius religionis astringeret, certo sibi persuadens, taleis fi-
lios suos in regnando futuros, qualis illorum educatio præ-
cederet. Et merito quidem, institutio enim puerilis, re-
gum ipsorum primū proculdubio, mediū, atq; postre-
mū illis in regnando est. Hinc enim omnis ornatus uitę
regibus est petendus: hinc contra fortunę tela præsidium

sumendum, hinc consilium, hinc autoritas, ac grauitas petenda, deniq; id quod caput est, quid sit regem esse, quid deceat illū, quod officium regis, qui uultus, incessus, uictus, habitus, hæc sola recta institutio regi demonstrat. Non capit hæc, mihi credite angusta, ac nulla bona institutione erecta mēs: sed uacillat ac titubat in omni regio officio ac munere. Qui enim rex hæc puer non didicit, is uitam miseram, desertam, cōtempnam, infamem, ac obrectationibus expolitam agat, necesse est. His ergo malis, atq; his incommodis omnibus ab initio Casimirus statuit occurrere. præpostere se facturū ratus, si regnum ipsum filijs post se relinqueret, filios autē ipsos, quibus illud seruaret, negligeret. quare ne uidetur, ut dicitur, plus curare calceum, quā pedem, summa ope requisit, cui nam instituēdos filios suos traderet. Erat illis temporibus uir doctus, & bonus Ioannes Lōgus, Olugos, a Polonis uocitatus, cuius uita probata, ac inculpati mores cū illius comendarent doctrinā, facile Casimiro fuit persuasum, qui hūc filijs suis doctorem accersierit. ut ex eius uiri præceptis atq; institutis, ueluti ex fonte quodā, atq; totius honestatis radice, fluere illa regia disciplina, quam docti homines summam esse rerum omnium uoluerunt. quæ mentem, linguam; ac orationem futurorum regum ad Reipub. gubernatiōem, cum summa laude dirigeret. Sic Casimirus, non aliquem externum, aut alienigenam, ac ignotæ uirtutis hominem filijs suis præceptorem delegerat, sed Sarmatam, ac Polonum, eundemq; spectatæ doctrinæ ac integerrimæ uitæ uirū. Ita ille non in externa institutione, neq; in peregrina adulescere mentem liberorū suorū uoluit, sed in Polona, atq; domestica. nec iniuria, ut. n. semina, si in peregrinam mandentur terram, amittūt uim suam, sæpeq; in diuersum genus abeūt: sic puerorum ingenia, institutione degenerant a patria uirtute, ut ex duro Scythia, mollis fiat Arabs, ex Latino, Græcus, ex Polono, Italus. quare Casimirus, cum se sciret genuisse reges, non Italis, non Græcis. neq; Indis, sed solis Polonis, cauit diligenter ne quis primam illam indolem, nisi Polonus fingeret. Adhibuit itaq; Ioannem Lon-

gum, ut Polonā institutione, Polonus ipse bonos reges Polon-
 nis eo diligentius efficeret, quanto in illorum institutio-
 ne salutem non solum regni, sed suam etiam inclusā esse uide-
 ret. Hoc ergo munere Longus non minus difficili, quā ope-
 roso suscepto, statim ab initio amouit e cōspectu illius tene-
 ræ ætatis pestem; ac perniciem iuuentutis libidines omnes,
 & illarum autores, non erant auditi in Longi ludo uersus
 impudici, nō cantus, neq; symphonia turpis, quæ aculeis ne-
 quitia incendunt ad uicium iuuenum menteis. nuncq; ibi
 sunt uili turpiloqui, nuncq; ebriosi, nuncq; mimi, nuncq; amo-
 re ac uino, & mendacio corrupti hyltriones. deniq; nūquā
 illa diis irata mascara in ludo illo fuit: nihilq; earum rerum
 omnium, quarum imitatione, atq; consuetudine in uicium
 labitur iuuenilis ætas, talisq; fit, quales sunt hij, quorum con-
 uictu lætatur. cū claudio enim ut dicitur, claudus eris. qua-
 re, aures illorum regum ab auditu, oculos a conspectu ta-
 lium flagitiorum diligenter fidelis magister continebat. li-
 bri apud illum a regibus illis pro mascaris tractabantur: ut
 ri boni ac moderati, pro hyltrionibus cum regibus illis uer-
 sabantur. parsimonia uitæ, morum reprehensio malorum,
 irrisio, uirgæ medius fidijs ipsæ, atq; plagæ administræ il-
 lius institutionis erāt, atq; comites. Meminīq; me audire de
 nostris senibus, Casimīrum dicere solitū, nullum se acroama
 audire suauius, quā eiulantem, ac uirga cæsum ab illo magi-
 stro filium. O regem Sparta dignū, qui in illis lachrymīs, ac
 in illius uitæ angustijs fundamenta bene, ac sapiēter regnā-
 di filijs suis reposita esse arbitrabatur. Itaq; cum magnarū
 rerum cupiditate monitore Ioanne Longo, incenderetur as-
 sidue præclara illa ad uirtutem indoles, uideris quos fructus
 maturitate sua postea tulerit. Quid enim aliud causæ puta-
 ris esse, quod omnes uicinæ gentes, atq; nationes, ad Casimī-
 ri domum, quasi ad philosophi scholam concurrerent, unde
 non solum reges regnandi, sed etiā magistros bene uiuendī
 peterent: nulla fuit alia Equites, nisi ipsius institutionis opti-
 nio, hac enim impulsī sunt Hūgari ut ab illo Vuladislauri
 regem sibi peterent, hac eadem Bohemī adducti Ioannem

Albertum expetiuerunt, ita Alexandrum Lithuani, ita Sigismundus Silesii. O felicem tali prole Casimirum, o ter, quaterque beatam Poloniam. quæ tantæ indolis primum, deinde uirtutis parens, atque alitrix extitit. quæ quanta fuerit, testes sunt omnes gentes atque terrarum ora ultimæ: quæ ab hac ista uirtute, aut seruata, aut deuictæ, aut cum Poloniæ regno sunt coniunctæ. Nec mirum, nata enim fuit hæc uirtus naturam imperio aptam, ad quam cum accessisset usus, confirmatioque doctrinæ, ad tantam laudem, dignitatemque peruenit. Et cum omnes isti optimi, atque omni laude dignissimi fratres florent ingenij gloria, sicutamē inter hos Sigismundus excelluit, ut tantum ipse uinceret omnium testimonio fratres, quantum illi uincebant reliquos omnes. Nam quæ uestra opinio, quanta etiā spes omnium de hoc isto iuvene fuerit, testes sunt cemitia illa, Casimiro mortuo Pyotrkouia habitæ, ubi cum de rege deligendo deliberaretis, hunc natu minimum, fratribus maioribus Ioanni Alberto, ac ipsi Alexandro anteferre ad imperium uoluistis. & nisi partim Elisabet mater, partim uero Sigismundi ipsius continentia fratri maiori concedentis, obstitisset, antetulissetis. Vos hoc loco appello huius regni robur, atque firmamentum Thencisci, quæ iudicia de hoc isto regem fecistis: quanta contentione animorum, atque armorum uestrorum hunc regem sufficere patri uoluistis? Quid tanto motu rerum spectastis aliud, nisi speciem quandam, atque opinionem excellentis uirtutis: quæ cum ipsa summa esset in Sigismundi fratribus, in hoc tamē ita excelleret, ut quantum ætate superaretur a fratribus, tantum ille splendore uirtutis, ac nominis sui fratres ipsos superaret. Quod autem ille se tum non extulerit, & quod a presenti iam regno, ac oblato abstinerit, nonne hanc abstinentiæ illius laudem cuius regno anteponendam putabimus? nisi enim insedisset in huius uirum mente constans, ac æquabilis ratio quædam uitæ, nunquam illi mihi credite abstinuisset ab eo, quod illi tum summa uoluntate, ac incredibili uestra conspiratione datum, oblatumque fuit. Nam non uolitare cupiditate gloriæ, non inflammari ambitione ad rapienda regna, præsertim cum rex esse possis, hoc

omnium difficillimū opus est Equites : hoc solius sapientis, ac huius hominis est proprium, qui tamen hoc ipsum, quod fratribus ante se cōcelsarat, quā cumulate postea a uobis sit adeptus, res ipsa docuit. Mortuo enim loāne Alberto, dein de Alexādro fratribus, uniuersi hūc ex Sclētia ad regnum paternum uocauistis, in summo ipsius regni discrimine, sūmoq; periculo, ita in eo solo restare spem regnī, atq; salutis uestre tū putastis. quoquidē regno suscepto, ita illud unum & quadraginta ānos administrauit, ut omnibus opibus florētissimū uobis post se reliquerit. In quo quidē regno, qualē se regē ille gesserit, quibusue artibus illud administrarit, res ipsa iā poscere uidetur, ut dicā. fuit enim hoc secundum et tribus: quæ de hoc ipso rege dicenda ab initio proposuimus. Utinā Equites ea in nobis esset oratiōis facultas, qua, ut par est, dicendo explicare possemus, quī nam huius regis in regnādo mores: quæ artes: quī modus fuerit. Nunc uero cum uirtuti Sigismundi regis non tātum mea, quæ nulla est, sed nullius omnino possit par oratio inueniri, date mihi hāc ueniā, ut non tam orationē a me ipsam, quā rerum ipsarū, quas is gessit, commemorationē expectetis: quarum recordatiōe, ac memoria, & hoc mœstum illius funus celebremus, et alijs præscribamus, quales reges in regnādo esse cōueniat. Ego enim sic existimo in sūmo rege, quatuor has res inesse oportere, sapientiam, iustitiam, fortitudinem, atq; clementiam.

Quis igitur hoc homine sapientior rex unq; fuit? quī mox suscepto regno, non unam aliquā partem regnī, sed omnes illius partes animo complexus est: quæ cum laborare uideretur, præsentem medicinā omnibus summo cum præsidio attulit. Nam cum Poloniæ regnum maximis bellis, quæ pater, ac fratres ante illum gesserāt, exinanitū, ac omni consilio, & auxilio destitutum accepiisset, ineundam sibi ante omnia rationem putauit, quo & auxilijs iuuare, & cōsilijs firmare, & opibus reficere regnum posset. Multa illi ad ea expedienda, quæ animo conceperat, obstabant: inopia primum armorū assiduis bellis exhausti: deinde, desertū ab amicis regnū. Nullo enim tempore Poloniæ regnum maiori motu rerum

fuit, quam eo, quo a Sigismundo est susceptum. Hinc enim influebat tota in Rūssiam Scythia, hinc bello affecta imminabat Valachia, hinc Asia Turca duce minabatur nobis tota. cum Germanis etiam, non satis certa nobis propter Prussiam pax fuit. Hic Sigismundus solus in medio relictus, ac magnis undiq; periculis circumuentus, ostendit patrię illud speratum lumen animi, ingenii. cōsiliiq; sui. Omneis enim finitimos partim societate sibi adiunxit: partim fœdere reconciliavit, partim uero bello deuicit. Nam Valachiam insperata uictoria de Ioanne Alberto elatam, fregit, ac domuit. Scythiam quoq; multis præliis secundis deuictam, ad extremū tandē munificētia, liberalitateq; sua infide habuit: perfecitq; ut Scythæ genus hominum ferum; ac indomitum, liberalitatem ipsius potius quam arma experirentur, quē illi honorē ante Sigismundum, nulli regum, ne illi quidem Alexandro domitori Asiæ habuerunt. Cum Turcarum etiam tyranno, cum, ab omnibus derelictus, solus periculosissimū bellūgereret: fœdus ad extremū fecit, magis ex suorū tempore, quam, ut id utile rebus communibus arbitraretur. de quo quidem fœdere dicam alio loco Equites, & ita dicā, ut hoc ipsum fœdus, quod nonnulli reprehendunt, magna necessitate factum fuisse, ostendam. Nunc dico in his fœderibus, atque bellis Sigismundū aliud spectasse nihil, quā pacē, et ociū suorū, ut uidelicet Polonia tot iactata casibus, tot afflictis claudibus, tot deniq; oppressa malis requiesceret aliquā, & se ex diuturno labore, pace, ac quiesce reficeret. quę eo miseriarū iā uenerat, ut neque priuatis, neque publicis opibus posset contra uim hostium subsistere. ita enim lagello Germanico bello, & Vuladislau Turcico, & Casimir Prutenico, atque Hungarico, & Ioannes Albertus Valachico Poloniam attriuerant, ut in mediā uictoria uicta esse prope modum ipsa Polonia uideretur. Quare cum spes restituendī regnī nūq; nisi in pace Sigismundo restaret, propterea hāc ipsam pacē, omnibus bellis, fœderibus, societatibus atque affinitatibus quaesiuit. Nam sorores quas habebat, in Germaniam nuptū dedit, qua affinitate ille Germaniam cum Polonia non solū coniunxit:

coniunxit: sed etiam Germanorum opibus illam contra om-
nem uim muniuit. Nobilissimis enim, ac potentissimis ex ea
gente illas collocauit. qua sane re perfecit, ut illi primo om-
nium Poloniae regum pax cum Germanis firma esset. Nam,
quod is cum Prutenis bellum gessit: priuatum illud bellum
prutenorum fuit, nulla publica ipsius Germaniae autoritate
susceptum. Et ne quid forte, quod ad pacem spectaret, praeter
mittere uideretur, cum iam Scythas liberalitate, Valachos
deditione, Moscos uictoria, Germanos affinitate sibi, ac
suis obligatos haberet, restabant Hungari, quos & si illis tem-
poribus Vladislaus frater cum Polonis coniungebat, tamen
Sigismundus longius prospiciens animo, Hungaros in per-
petuum Polonis uolebat deuinctos esse. Itaque cum Scepusia
domus princeps in Hungaria esset, Stephanusque Transilvaniae
Palatinus rerum post Regem primus in Hungaria potire-
tur, eius filiam Barbaram in matrimonium duxit, consenti-
ente Senatu, ac approbationibus bonis omnibus. Iacta hoc ma-
trimonio Polonia fuit, non tam, quod societatem illi nouam at-
tulerat: quam quod talem reginam ex Hungaria acceperat, quae
ob sanctissimos mores, castissimam uitam, ac ob admirabilem
pudoris atque uerecundiae famam, Hester fuit uulgo appella-
ta. Sed haec uoluptas huius letitiae non diuturna Polonis fuit,
nam Barbara anno quarto, postquam in Poloniam uenerat, ui-
ta est functa, magno cum moerore ipsius regis, dolore autem
omnium uestrum incredibili. quae tamen ipsa moriens, reliquit
uobis pignus unitae societatis cum Hungaris, filiam enim ex ea
Hedwigim Sigismundus suscepit: qua Ioachimo Marchio-
nis Brandenburgensi in matrimonium data, pacem Polonis cum
Marchia fecit. Ita ille hisce artibus in omnes partes intentus,
pace parta Poloniam assiduus bellis afflictam, exinanitam
atque proiectam erexit: refecit: ac plane denuo constituit. Quanta
haec fuerit illius sapientia, ex alijs quoque potestis suspicari
Equites. alij enim pace bella querunt, hic uero nihil bellis
nisi pacem quaesiuit, alij regna suscipiunt, ut finitimos bello
uexent, hic regnum absque finitimorum beneuolentia infirmum
esse duxit, a lijs foedera inueniunt, ut ad evertendam pacem

spacium habeant: hic omnia foedera quæ cum Turcis, cum
Scythiis, cum Moscis, cū Valachis habuit, pace terminauit.
Quis hunc regē non ad evertendos homines, sed ad seruā-
dos, non ad bello inter se cōmittendos, sed ad pace coniun-
gendos, natū fuisse neget? Cū enim pacem omni regno suo
compararet, non tantum suis, sed etiam alijs gentibus atq;
nationibus pacis autor fuit. Et quod inter omnes constat
pacem mutuā Christianis prouincijs stabiliorē nuncq; fuisse;
quā Sigismundo rege fuerit. sic ille non tantū quid sibi solū
utile esset, spectabat; sed complectabatur ad suam, & ad cō-
munem omnīū salutem omnes finitimos reges, atq; natio-
nes pacis enim autor omnibus fuit: ad pacem inuitabat, hor-
tabatur, ac monebat omnes. ualuisseq; utinā illius diuina
uox, atq; sententia apud Ferdinandum, ac Ioannem reges,
staret nūc, mihi credite, Hungaria: neq; Turcis per illā ad
nos ac ad omnes pateret uia. Verum cum illi reges belli, q̃
pacis essent cupidiores, Sigismundumq; non audirent, ab
Hungaria ambo exciderūt: cuius motu, atq; casu, ea quoq;
quæ dudum ante habebant, cum magnō comunium rerū
detrimento, partim affligerūt: partim amiserunt. Et merito
quidem, pace enim de medio sublata, quid utriq; salui esse
potuit: pax enim est parens, atq; fons omnium rerū bonarū
Equites, sine hac nihil hominibus iucū dum in uita, nihil
stabile potest esse. quāqui oderunt, feri & indomitū, ac crude-
les tyrāni sunt habitū. contra uero qui huius patroni, atq; au-
tores fuerūt, soli homines, soli sapientes, ac generis humani
conseruatores sunt dicti, & iure quidem. pace enim uiuunt
leges: excoluntur mores: tractantur artes: uictus postremo ip-
se ad uitam degēdā necessarius, ipsius pacis est fructus. quod
etiam sit, ut difficilior sit pacificum regem esse, quam bellico-
sum. quanto enim quisq; ratione magis deficitur, tanto est
ferocior, & ad bellandum procliuior. At pacis autor, atq; cui
stos nemo potest esse, nisi idem uir sapiens fuerit. Eadem
enim partes sunt pacis, quæ sunt ipsius sapientis. nam pacis
hic finis est, ut in ea conuenienter naturæ ac legibus uiua-
tur, qui finis idem profecto est, & ipsius sapientis. hoc enim

solum ille curat, ne quid a natura, ac legibus aberret. Quare nihil tam cum sapiētia pugnat, ut uidetis, q̄ odiū, discordiæ ac bellum. hinc enim existunt regnorum mutationes: hominumq; ipsorum, ac legū interitus. quæ conseruare, ac cōstabilire est ipsius sapiētis. quod in Hungaria ne esset, tanq; ex aliqua specula denunciabat Sigismundus Ferdinando atq; Ioanni tempestatem futurā. quam cū illi non prospicerent animo, demonstrantemq; Sigismundum non audirent, repente illa tēpestas inuoluit, ac corripuit omnia. Hungariāq; sine legibus: sine iudicijs: sine rege: sine fide, exposuit direptionibus, & incendijs. At Sigismūdu interea cum consciētia consillorum suorum niteretur, nunq; facere, agere, ac moliri omnia destitit, quo, si minus pacem inter illos reges conciliaret, regnū tamen suum ab illorum contentione abduceret. Qua in re tanta sapentia tātaq; moderatione fuit, ut in summa illorum contentione, utriq; charus esset, utriq; socius, atq; amicus, cum quibus ut pacem & amicitiam firmaret, alteri, hoc est Ioāni, filiam suā Elisabetham, e secunda uxore, hac ista grauissima, atq; clarissima Bona Sforcia, de qua dicam alio loco, in matrimonium dedit. Alterius uero filiā huic Augusto regi nostro, filio autem suo charissimo, atq; unico, quem nobis ex eadem Regina reliquit, collocauerat, quæ nuper magno omniū cū dolore ac mœrore decessit. Ita ille, non arma tantū opesq; omnes suas, sed etiam sanguinē ipsum, genusq; suum uniuersū in pacis rationes conferebat, sanguineq; suo q̄ plurimas genteis, atq; nationes sibi, regnoq; suo obstrictas esse uolebat. Et cum bellicosissimis nationibus, uictoriosissimisque populis præfesset, tamē hāc tātā copiam, nō bellorum opes, ac neruos, sed pacis instrumēta esse putabat. quæ pax inquā, in regno constituta, quanta bona effecerit, quas artes excitauerit, quas opes huic regno tā priuatim, q̄ publice pepererit, attendite Equites, mentesq; uestras paulisper ab hoc mœrore uestro, ad res uestras, abducite, quarum status ante Sigismundum, qui fuerit: hæc uestra præfens testatur copia. quā si conferre uolueritis, cū opibus illis uestris prioribus, inopia summa atq; egestas illā uidebitur.

tur esse præ hisce, quæ nunc sunt, an vos illas opes putabitis
esse Equite Polono dignas: quæ tam modicæ fuerunt, ac pene
nullæ, ut legibus etiã uestris cautum fuerit, ne triginta mar-
cas dos Equitis filia superaret. nõ moderatiõis mihi credite
sed postremæ inopiæ hæc ista lex fuit, cuius cum nos (ita me
dij ament) sub puderet, legem hanc dotalem tulimus, ut id
quod inopia fiebat, lege fieri putaretur. cū interim bene se il-
lis reshaberet, qui locupletes uideri uolebant, si illorum san-
ctius ærarium ipsas triginta marcas haberet. neq; uero hæc
inopia tãtum in ordine Equestri fuit: sed ipsi etiam mediusti-
dus Senatores, ne plus centũ marcis dotis nomine filia nu-
benti darẽt, lege, hoc est egestate, prohibebãtur. Sed quid ego
dorem huius inopiæ signum fuisse commemoro: cū capita
occisorũ Equitum, tanq; pecudum, non ipsius intersectoris
capite, ac sanguine: sed precio, ac centũ marcis, cõtra omnia
diuina, ac humana iura, soluerentur: ut non multa, non
pœna, non supplicio, sed tam uili ere, capita uestra æstima-
rentur, cõdesq; expiarentur. Ex hac tanta, ac tam infami tanq;
impia æstimatione apparet egestas illa regni, quanta fuerit,
quæ tanta fuisse uidetur, ut animam quis pro capite facilius
daret, quã hanc pecuniam solueret. quam utiq; illis tempo-
ribus grandẽ fuisse cõstat, quæ nunc autore Sigismundo nul-
la est. Quid uero illa macula, atq; labes nominis, ac generis
uestri parum ne indicat, quam inops a pecunia fuerit hoc re-
gnũ: nã si quis fur pecuniã furto a quopiã uestrũ abstulerit,
capite plectitur, atq; suspendio, si quispiam autẽ eum, cuius
hec pecunia fuerit, occiderit, pecunia occisi caput soluit. Ocõ
memorandas leges, et dignas, quæ in hac Repub. uersentur:
quibus nos tanq; pecudes precio, ac mercede liccarijs,
& intersectoribus addicti sumus. Quã uos non legem, sed
perniciẽ, atq; pestem uestrã, primo quoq; tẽpore, de medio
tollite Equites, si salui esse, & boni uiri haberi uultis. de quo
quidem ipso erit fortasse nobis apud uos alius dicẽdi locus.
Nunc uos iam perspicitis, quanta hec inopia fuerit, cui om-
nes leges diuinæ, ac humanæ in Polonia cesserant. Quid in
priuatis ne tantum rebus hæc tanta inopia fuit: immo uero

multo etiā maior in publicis. Recordamini enim, per deos
 immortales illas angustias ætarij, amissa uectigalia, bona,
 uillas, urbes, atq; prouincias regias pecunia obligatas pri-
 uatis hominibus, tum demum statueris, quantū Sigismūdo
 regi debeatis, qui hæc omnia redemit, recuperauit, ac libera
 Reipub. restituit. quarum rerum inopia erat factum, ut ho-
 mines historici litteris mandarent, Polono rege miserius
 esse nihil. & ita profecto res est, si tempora illa respicias, qui-
 bus illi scripserūt. An uobis tum regnum hoc diues fuisse ui-
 debatur, cum subsidia belli, ac ornamenta pacis mēd. cato pe-
 ne reges uestri quærerent, cum pignoribus, obligationibus,
 ac mutuacionibus, nā solum bella administrarēt: sed etiam
 domi uiuerent, cū ita exinanitum erat ærarium, diminuta
 uectigalia, omnes uillæ, possessiones, salinæ, prouinciæ pigno-
 ri oppositæ, ac a regio usu auersæ, ut rex ipse neruis profusus
 careret, quibus repub. gereret? Quis unq̃ non dico rex,
 sed priuatus homo, aliquid sepositum ad usus necessarios
 nō habuit? soli ex omnibus reges uestri sunt inuenti, sine
 ullo sanctiore ærario. nihil fingo Equites: memoria in me-
 dio est. res ipsa. legite priuilegia bonorum obligatorum: fa-
 cile reperietis eo inopiæ redactos fuisse illos superiores reges,
 ut si nō dico bellum aliquod ab illis esset gerendum, aut filia
 elocanda, sed equus ipse emendus, non prius haberent, quā
 aliquid adderent ad priuilegij suminā. Quare cū maximus
 nodus in repub. sit inopia rei pecuniariæ: sepe fiebat, ut per-
 niciofa consilia reges nostri inirent auferendorum e templis
 uasorum, ac nouorū imperandorum uobis tributorum. res
 etiam ipsas ad summam reipub. pertinentes, inchoatas, atq;
 affectas, cū magno ipsius Reip. detrimento intermittlebant.
 difficile enim est efficere aliquid magni, cum egeas, quod pe-
 cuniæ nerui sint omnium bene gerendarum rerum. Ex his
 tantis, tā diuturnis, tā postremis difficultatibus, angustijsq;
 quibus omnes res nostræ priuatæ, atq; publicæ premebātur,
 Sigismūdos rex summa sapientia, atq; incredibili celeritate
 hoc regnum expediuit. comparatis enim pecunijs, ac vndiq;
 collectis Ioannis Boner opera, uiri præclari, atq; industrii, Sa-

linas primum, deinde prefecturas, postremo villas, urbes,
possessiones omnes redemit. æreque grandi persoluto, uectiga-
lia constituit: fructus prouinciæ auxit: ærariū collapsum an-
tea atque effusum, ingenti pecunia cumulatū, atque refertū uobis,
reique uestre publicæ reliquit. Quid uero hoc eodē Principe,
atque duce res uestre priuatę, ex illa Reip. nocte a Sigismū-
do productæ, quāta luce & quo splendore nūc fulgeant, quis
poterit, ut par est dicere? Agri mediusfidius ipsi, syluæ, itē
ac nemora, ruræque ac coloniæ uestre, que in pacis sinu a Sigis-
mundo collocatæ, medio (ut sic dicam) oñi gremio nunc
continētur, gestire mihi uidentur, atque huic auctori, parenti,
ac conseruatori suo gratias agere, quę situ antea squallebant
omnia. nunc uero hac noua luce opum, & copiæ ab hoc il-
lustrata, fulgent, mouentur, seseque ad summā utilitatē uestrā,
reique publicę dignitatem efferunt. Eos enim fructus iam uo-
bis subministrant, ut hos nullum bellū, quamuis atrox, atque
diuturnū, exhaurire possit. Mādate hoc memoriæ Equites,
spero multa uos, liberosque uestros ac maiora indies bona ul-
suros: in hisque semper ita existimabitis, sine Sigismundo re-
ge nihil horum vos fuisse uisuros. Nam ante illum quid spe-
rare potuimus, in illis p̄sertim tantis angustiis: cum mentes,
animique uestri debilitarētur inopia, ipsaque egestas nobis ad
omnia, quæ concupieramus, magna atque præclara, obstaret.
quæ nunc sublata de medio, atque remota, res nostras secun-
das ornauit: aduersis præsidium attulit, bello subsidia, paci
vero ornamenta suppeditauit. Auctæ iā sunt uestre dotes,
quarum modus non in lege ut antea, sed in voluntate uestra
pendet: uiluit aurum, cuius usus nimius iam fastidium uobis
parit. Argentum etiā ipsum, non priuatorum hominum
videtur esse, sed illorum regum superiorum, nihil de ære ipso
loquar, quod auro, argentoque uestro obrutum, vix iam com-
paret. Ita Sigismundus, quasi alter ex Hierosolymis Salo-
mon, non copiam auri, atque argenti, sed uilitatem Polonis at-
tulit. Et quod in primis laudatur in Salomone rege quod il-
le diuturna pace aurum, atque argētum lapide uilius Hiero-
olymis reddiderat, hac certe laude illi Sigismundus non so-

Iam illi par, sed etiam superior fuit. salomonem enim illa co-
 pia dementauerat: ac a Deo suo patrio auerterat, hic vero in
 vberimis copijs, religiosissimus: in summis vero opibus, re-
 peratissimus ad extremum fuit. nihilq; ad vltimum spiritū
 curauit magis, quam vt ipsius regnum in pace, vigeret inge-
 nijs, valeret doctrinis, ac omni humanitatis, et religionis lau-
 de floreret. Quando Equites hoc regnum: quando vberius
 ingenijs, aut cultius vnq; doctrinis fuit: nunquam Equites.
 omnia se simul hoc rege in Polonia profuderunt, pax, opes,
 litterę. rarum fuit antea, ac pene inauditum in Polonia
 Gręcarum litterarum nomen, quę ita erant hominibus no-
 stris incognitę, vt id quod quis nō intelligeret, Gręcum esse
 diceret. Iam vero Latina ipsa oratio, quam absconsa fuerit, atq;
 barbarā, Biga & Baraletus sunt testes. boni quidem. illi yri,
 sed tamen inepti magistri, ac rustici. Conferte nunc cū his ea,
 quę & ipsi didicistis, & in quibus liberi exercentur vestri: nō
 barbariam, sed Graciam: non Sarmatiam, sed Italiam dice-
 tis factam esse Poloniam. vt iam nō musc Gręcæ, neq; La-
 tinæ, sed vrbes mediusfidijs ipsæ, Roma atq; Athenę, ho-
 nore, præmio, ac fauore Sigismundi inuitatę, commigrasse
 in Poloniam videatur. ita mens, sonus, ac subtilitas vtriusq;
 orationis non externa, sed vernacula, nō peregrina, sed do-
 mestica in ore nostrorum hominum versari mihi videtur.
 Circumspicite Equites, quam vndiq; circumferantur versus
 optimi, audite quibus laudibus solutę ac iunctę orationis
 suauissimi huius regis a Polonis celebretur memoria. Ni-
 hil dico de me, cuius oratio, quantulacunq; est: aut si quę om-
 nino est, huius regis beneficio creuit. Voluimus quidem &
 nos de hoc Rege aliquid dignum ex hoc loco vestris afferre
 auribus: sed tamē id assequi, tarditate, vt par fuit, non potui-
 mus: studio tamen certę et voluntate proximi illis sumus, qui
 litteras suas, artifcy optimas huic Regi acceptas ferūt: & qui
 hunc quasi quendam mortalem Deum; alto cœlo demissū,
 mirantur, achag; ipsarum litterarum opera, quas illius bene-
 ficio didicerunt, cupiunt eum esse immortalem. Viues ergo
 o diuine Rex laudibus, carminibusq; nostris, nosq; e cœlo,

benignius aspicias, et uocq; numine, ac munere hæc bona propria nobis uelis esse, quæ hinc abiens reliquisti. commouit lachrymas, fletusq; interpellauit orationē meam.

Sed tamen, quod institueram dicere, par hic pacis artibus Salomoni regi fuit, cōstantia uero recti propositi, longe illo superior, quod ut æquabiliter in omni uita tueretur, diffusus ingenio, quæsiuit in suo regno socios tantarum rerum tuendarū optimos, ac probatissimos. Habuit. n. ex delectis uiris summa autoritate Senatum, ita, ut hoc constet, in Polonia simili splendore consilium nullius regis ynquā fuisse. Tria autem præcipue in deligendis Senatoribus spectare solebat. Genus primo ipsum: quod maior autoritas apud homines nescio quomodo spectatæ nobilitatis sit, quam incognita. deinde sapientia præstantes. postremo sententia, & lingua liberos. quod si quando in his legendis remissior fuit, in his magistratibus mandandis certe fuit, quibus summa nō continetur regni, & in quibus homines non gerunt rempub. sed gerere discunt. In summis autem regni magistratibus, quam diligens fuerit, ut non repetam uetera: testes sunt hæc lumina regni, recensete uiros hos, & illorum familias. non ut illos laudemus: sed ut in illis delegendis iudiciū, ac sapiētiā Sigismundi incredibilem admiremur. Adest Princeps regni Tharnouia domus, quid ex hac eadem domo maius? quid rebus gestis clarius? quid dijs hominibus charius, hoc isto Ioāne Tharnouio Castellano Cracouiē, hoc in Regno unq; fuit? cuius tot extant uictoriæ, quot sunt huius regni inimici: tot trophæa, quot deuictæ prouinciæ: tot triumphī, quot ab illo sub iugum missi hostes. quo homine Sigismundus Rex custode peritissimo, imperatore acerrimo, ac sceleratissimo periculosissimis tēporibus, maximisq; hostibus hoc regnū defendit: Scythiāq; Valachiā, ac Moscouiā deuicit: omnesq; hostes uestros hoc duce, aut parere uobis, aut certe cedere coegit. prætermitto Turchiam ipsam, quam in Hūgaria Ludo uico regi infestam, ac inimicā, ne capta Alba Græca omnia simul euerteret: hoc eodem Ioanne Tharnouio duce prohibuit, atq; repressit. Quid uero hic, qui hunc ordine cōsequi-

iur,

tur, Petrus Cmisra: lumen, atq; ornamentū huius regni, non splendore Vuifniceſi. familieꝝ non ſapientia: nō autoritateꝝ non iuſticia: non rebus geſtis a Sigismūdo impetravit: ut ad hunc unum ſummos magiſtratus huius regni deferret: Palatinatūq; Cracouiēſi, Marſalcatum (utamur enim uerbis noſtris) p̄fecturas itē magnas, ac illuſtres illi mādaret. Quid hic Ioannes Latalicius Poſnaniēſi. Palatinus ꝛ homo quidem Equeſtri loco ortus, tanta tñ uirtute, tantaq; ſententiæ libertate p̄ditus, ut ipſe ſuis ſubnixus opibus in Sigismundi ſenatum aſcēderit. Quid uos decus huius Regni, atq; p̄aſi diū Tenciſci: quæ ornamenta: quæ inſignia ſummæ, atq; excellentiſſimæ uirtutis ueſtræ a Sigismundo non eſtis adepti ꝛ uidiftis enim Andreā ex ueſtro ortum loco, paruū quidem illū corpore, ſed ingenio, ac eloquentia ſummū Caſtellanum Cracouiēſi. uidiftis etiam Ioannem fratrem Palatini Sandomiriēſi nuper defunctū. Sed quid ego mortuis commemoror: cum uiſſe Ioannes Sandomiriēſi Palatine corā hic p̄aſens adſis, qui cum ob ampliſſimā, & haud ſcio an maximam in hoc regno familiæ tuæ dignitatē, tum uero ob prudentiam ſapientiſſimo ſene dignam a Sigismundo dignus es habitus: hoc iſto loco, & ordine. Iam uero quomodo te Stanislæ Laski p̄aſteream: cuius genus, & induſtria, ſpiritusq; illi ſenatorij domi, ac foris cogniti apud Sigismundū tibi ſunt ſuffragati, ut Siradiēſi Palatinus eſſes.

Verecūdius de te dicerem Nicolæ Brudzoui, ſi meo nunc iudicio uterer nō alieno, quanto enim tua erga me beneuolentia maior eſt, tanto ego minus poſſem de tuo genere, uirtute, ac doctrina dicere. nunc uero quoniā ſenatū Sigismundi non priuatos amicos cōmemoro, dico Sigismundū in te uiſſe ſecutum, ut Lāciēſi illi Palatinus eſſes, cū genus ipſum uirtutemq; egregiā, tum uero uel in primis literas, ſtudiūq; doctrinæ: quibus inſtructus, atq; paratus uocatu Sigismundi in illius ſenatum ueneras, ut eſſetis cum hoc Petro Firlegio Ruſſiæ Palatino, quaſi quēdam in Sigismundi ſenatu duo ſidera ſplendentia omni philoſophiæ laude, atq; doctrinæ. Veſtræ quidem ſenatores ſuccreſcit laudi hic Ioānes Coſcie-

secutus, In Nouulâ dislauien. Palatinus clarissimâ, atq; munifi-
cētissima ortus familia, cuius maiores tantū inopiâ publicâ;
de qua paulo ante dixi, commouebantur, ut per grâdem pe-
cuniam, qua obligata bona Regia habebant, regibus remit-
terent: Marigeburgoq; ac alijs ampl'issimis possessionibus
ultra Casimiro Regi concederent: cum nummū nullum ex
illâ infinita obligatione acciperent, tanta fides Coscieleciæ
gentis erga uestros reges fuit: ut in summa sua copia, inopes
se arbitrentur esse uestro egeno rege. Sed quid ago: aut
quo progredior: incidi in numerū uestri senatores clarissimî,
in quo difficile est ex uobis nō aliquē, nefas quēq; præterire.
sed dabitis mihi profecto hanc ueniam: & quod in ipso cur-
su orationis tam multos prætereo, quosdam autem attingo,
partim id temporis, ac auribus uestris seruîens facio: partim
uero, quod me uox, lingua, latera, prius in dicendo deficient;
quā ut par est explicem, quid in unoquoq; uestrū deligendo
Sigismūdu fuerit secutus. Quāta tamē sit autoritas omniū
uestrum, cum summa beneuolentia Equitum Polonorum
coniuncta; cum ex his de quibus iam diximus, sciri potest: tū
vero uel maxime ex hoc isto Andrea Gorcano Comite Pos-
naniē Castellano, ac superioris Poloniæ præfecto, qui ado-
lescens, ac pene puer ita commendatione excellentis uirtutis
Sigismundo regi charus fuit, ut dignus ab illo, & summis
honoribus haberetur: & qui patri Lucæ clarissimo uiro in
amplissima præfectura, ordinēq; succederet. Cuius ea ē auto-
ritas apud omnes: ea dignitas, is uitæ splendor, ut nullius opes
in hoc regno maiores unq; fuerint. In quo quidam homine
illud, quod Platoni illi philosophorū deo difficile uidebatur,
ut summæ opes cum summa uirtute in eodem homine pos-
sent esse, ita utrunq; cum summa laude excelluit, ut nihil in
Polonia illo sit ditius, nihil etiā melius. Nam bonarum rerū,
& literarū, ac ipsius doctrinæ ita studiosus est, ut aliud cupere
videatur nihil: opes etiā ipsius non libidinum, neq; cupidita-
tatis sunt instrumenta: sed humanitatis, uirtutis, atq; digni-
tatis singularis. hoc homine Equites quoniam uehementer
nitiuntur res uestras, salutem illi, ac incolumitatem, quod

facilis: uelle & optare debetis. Ex his tot, & tantis, ac talibus uiris apparet, qualis rexiste fuerit. Et haud scio an aliud signum boni sit regis quam ipse senatus: apud eum regē praeertim, qui non sua, sed conseruandorum hominum causa se factum esse regē nouit. Quemadmodum enim est in ipsis artibus, in quibus quales ipsi artifices sint, instrumenta illarum declarant, licet illa cum ars artium omnium sciētia sit administrandi regni, nusquā ratio ipsius regis magis apparet, quā in ipso senatu, qui instrumentum quoddā bene gerēde ciuitatis suo regi est. qui si nequā: si iniustus: si helluo: si rapax, ac sceleratus fuerit, certo scito consimilem quoque illi esse regem. Quid ita: quia mens ipsa infelix, non iam regis, sed tyranni, cum spe, atque cupiditate omnia suorum ciuium deuoraret, nihil agit, nihil aliud dies, atque noctes molit, quā ut ne quis illi omnino ad ea obstitet, quae concupiuit. Quare tyrannus omnis uelut quaedam immanis bellua, in formam humanā insuta, antequam sternat ciues. uastet leges, ac solus deuoret omnia, senatum omnem tollit funditus, si quem habet. aut eurat ne quis in senatu illius sit genere, sententia, atque lingua liber. Ita tyrannus aut senatu caret, aut si quem habet, ex obscurissimis quibusque, atque nequissimis, linguaque, ac mente seruis collectum senatum habet. si tamen senatus dicendus est coetus ille infelix ex teterrimis quibusque hominibus ideo constitutus, ut cum his tyrannus scortetur, poterit leges mutet, Rempublicam uoxet, ac quorum assentatione, quasi caestro quodam plenus perturbatione, atque poenitentia agatur in furorem, atque in amentiam: ut ita uiuat sine fide, sine pace, sine certo scedere, ac in concursu plorantium, atque tepestare querelarum perpetuo versetur plenus turbarum, atque tumultus. Cogitate hoc loco per deos immortales Equites, & uestros illos ueteres tyrannos, & hos etiam aliorum nouos. ut haec quae dico, magis ex aliorum cōtēctione, quā ex oratione mea intelligere possitis, quam æquus Sigismundi senatus fuerit, quā iustus, sobrius, continens, atque sanctus, ut facile appareat hunc regem, non suae cupiditatis gratia, sed uestrae salutis causa senatum ex his uiris delectum habuisse. Quem ille ordinē tāta cura coluit,

D ij

ut ab initio suscepti regni plenum senatum semper habuerit
optimorum pontificum, ac fortissimorum uirorum, quod
sine isto adiuuamento, atque praesidio neque ipsum se, neque regnum
suum putaret esse diuturnum. Quam etiam ob rem tanta
ueneratione senatus apud illum fuit, ut pontifices dominos
suos, senatores uero, sincere dilectos in litteris appellaret.
O mentem non mortali aliquo regno, sed ipsa immortalitate
dignam. cum enim penes solum regni summa esset, tamen
& regni socios senatores, & pontifices dominos habere uo-
lebat, ut regnum cum socijs certius administraret: & dominos
sua sponte sibi praeponebat, in summa potestate non insole-
sceret. & cum solus omnia in regno posset, nihil tamen seor-
sim ab senatu praeter regium nomen haberet. quod tamen ip-
sum summa moderatione ipsius senatus temperabat. a cuius
autoritate nunquam dissensit. Nunquam ille suadente senatu pa-
cem, bellum gessit. nunquam contra senatum ad bellum hortante,
ille pacem fecit. ita in consilio ipsius partis nullae, dissensio
nulla fuerunt, sed mirificus illo gubernante, atque providente
ad communem salutem consensus. non senatus illi Reipub-
licae in summis tempestatibus gubernanti e manibus pre-
cipuebat, non ille uicissim senatus, quasi nauarum remigationem
impediebat, sed cum in senatu alij uenientem tempestatem
denunciarent, alij pericula Reipub. tanquam nauis ostenderent,
alij uelis, atque remis incumberent, ille tanquam sapiens nauicle-
rus ad gubernacula Reip. immotus sedebat. singulaque mo-
menta temporum, locorum, hominum, ac periculorum expen-
dens, eo quo spes salutis ostendebatur, consilia suorum, cur-
sumque regni dirigebat. Haec ratio senatus, haec illius optimi,
atque sapientissimi regis fuit in hac Reipub. prouidentia. ut
mirum iam uideri non debeat, si una ex omnibus prouincijs,
atque terris in tanto rerum omnium motu, Polonia salua, atque
integra steterit. non casu aliquo mihi credite, id est factum,
neque fato. rationi enim homines subiecti sunt, non calibus,
consilijs, non fati. apud quos si quid non recte, aut ordine
geritur, scito ibi non fatum, neque casum, sed rationem rectam
defuisse. quae cum a consilijs nostris abest, res nostrae cadunt,

stare non possunt, quare si uos regnumq; uestrum sapientia regis uestri, fide uero, & autoritate senatus ad hanc diem stetit, illos qui iam conciderunt, resq; suas amiserunt, stultitia non casu, amētia non fato, perijsse dicemus. An tu si quā in nauim ita moratā conscenderes, in qua aut nauatē nauclero remoto, aut nauclerus ipse reiecto clauo, coeliq; ac siderū uētorumq; ratione posthabita, uellet ipse remigare, salutem ne tu ullam ibi sperares? aut si quid naufragij accideret, fato cuidā potius, quam illis, qui permutatis officijs nauim euerterunt, naufragium illud tribueres? Ad eum modum Equites omnes, prouincijs quas aut ipsi uidistis, aut de quibus ab alijs audiuitis, perierunt: dum rex pro senatu ipse sibi esset, aut dum senatus officium regis obire uellet. providere enim, ac monere officium est boni senatus, regis uero gubernare, ac seruare. Quæ ratio administrandi regni, atq; moderatio cum semper constans, æquabilisq; in senatu Sigismundi fuerit, mirum non est, si soli propemodum ex omnibus gentibus, ad hanc diem integri sumus, & si hac ista felicitatis parte Polonia, cæteras omnes prouincias antecellat. quarum nulla illi hac ista parte est par. Non Italia, quæ uarijs seditionibus regū cum plebe libertatem amisit, non Gallia, quæ sæpius fusa, atq; cæsa regem suū captiuum uidit. non Germania, quæ nūc studio nouarum rerum de libertate omni periclitatur. non Hungaria, misera atq; afflictā, quam discors a rege senatus, puer uero rex funditus euerit. Non iam omnes oræ, atque exteræ gentes, ac nationes se hac parte nobiscum conferāt, quas omnes aut bellum euerit, aut seditio afflixit. sola Polonia Dei summo beneficio atq; huius optimi regis sapientia, ac consilio consentientis senatus, cunctis nunc floret opibus, uiuit suis legibus: moribus etiā, ac institutis antiquis ueterem suam retinet dignitatem. nec propter aliam causam (ut iam dixi) nisi quod in ea & sapiēs ipse regnabat rex, & reges ipsi (hoc est senatores) erant sapientes. Qui cum omnia diligenter prospicerent animo, rege in ipsa puppi Reip. sedente, ac clauum dirigente, nihil fortuna, neq; casus in rebus nostris ualuit, quæ si quid in rebus humanis ualent, ibi certe

valent, ubi non recto consilio, sed precipiti temeritate aguntur, ac feruntur omnia. quare soli ex omnibus nunquam accusarunt hoc rege fortunam Poloni: nunquam de casu sunt questiti: omnia enim secundum Deum, & illius providentiam in Sigismundi, ac illius senatus sapientia tam domi, quam foris, tam pace quam bello, erant nobis reposita. Subegimus hoc rege gentes antea inimicissimas nobis, atque inuictas: nonnullas nobis adiunximus. eaque omnia incolumi regno, salvis legibus, ac integra libertate, hoc duce gessimus. domi etiam illo auctore, atque principe conuentientissime in summa beneuolentia publice uiuimus. subsidia belli, ac ornamenta pacis parata ab illo, relictaque habemus, ut quocunque oculi nostri inciderint, nihil desideret ex rebus omnibus, quae ad uitam tuto, ac tranquille degendam pertineant. est enim pax a Sigismundo constituta nobis: sunt opes: uigent literae, est fortis, atque sapiens senatus. restat etiam hic Augustus filius spes unica regni, atque tantae laudis, atque gloriae paternae haeres, qui ut ea tueatur, quae illi pater amplissima reliquit, hanc istam sapientiam patris assidue intuebitur: res ipsius gestas, consilia item, atque rationes omnes administrandi regni sibi proponet. quae nullam rem esse declarant, in munere regio posita, quae sapientia Sigismundi regis non comprehendatur.

Verum haec ista sapientia, quam summam fuisse in Sigismundo rege, multis argumentis perspicitis, & si per se ipsa summa sit. est enim oculus quidam mentis, quo a magnis, atque excellentibus uiris causae rerum expetendarum, fugiendarumque cernuntur. Tamen haec ista sapientia, nisi habeat uisitiam in administrando regno adiunctam, infirma est, rebus etiam humanis non multum sane proficua. Neque enim satis est ut causam uideas, qua stent, cadantque regni res, nisi etiam causis illis, aut retentis, aut remotis, aequabiliter, iuste, ac legitime in ipsa Repub. uersere: utque in primis cures, ut in tanta uarietate, rerumque humanarum conuersione, quam minimi motus in Repub. existant. quod si qui acciderint, ut sine detrimento communi accidant. Quod cum sine maximarum rerum ulu uario, atque diuturno teneri non possit,

quis hac ista laude Sigismundo excellentior rex fuit? qui cum beneficio longissimæ ætatis, unum enim & octuagesimum annum agens decessit: tum etiam prudentia singulari, atque diuina, ad eam iustitiæ laudem peruenerat, ut in sua Repub. nihil earum rerum esset omnium, e quibus discordiæ, seditiones, ac bella ciuilia existunt, quæ tum fiunt, cum uirtus exæquatur uitio: cum boni præmio, mali uero sua carerent poena, denique cum non pro dignitate, ac meritis cuiusque, sed pro regnantis libidine, alij plus, alij minus utuntur rebus communibus. Ex hac enim inæqualitate, ac intemperantia quadam, oriuntur in Repub. morbi illi insanabiles, quasi in corpore sano, atque integro. hinc enim existunt discordiæ, seditiones, ac bella ciuilia, cum ipsarum legum, atque hominum interitu. Et merito quidem, quid enim in ea Repub. salui, aut diuturni futurum speres, ubi uitium præcurrit uirtuti, ubi algent boni, latantur improbi, ubi dignitas cedit pecuniæ, uirtus generi, ingenium socordiæ, atque negligentiæ? postremo ubi indignissimus quisque amatur, colitur, ornatur, ac ad amplissima quæque promouetur, summa cum desperatione bonorum: ruant necesse est in tali repub. ac intereant omnia, quamuis illa magna sint, atque præclara. Nonagam pluribus Equites: neque exemplis utar Græcorum, ac Latinorum, & ipsorum etiam barbarorum, qui respub. suas potentes, ac florentes amiserunt. dum in illis nullus habet uirtuti honos, nulla poena uitio. Ex ipso enim Sigismundo omnium istarum rerum exempla sumi possunt. qui cum sapientia illa magna, atque incredibili inæqualitatem ipsam uideret pestem, ac perniciem esse ciuitatis, ad eum finem dirigebat omnia, ut neminem eius Reipub. cuius hic rex fuit poeniteret. qua cum æquabiliter illo rege uterentur omnes, non metuebat, ne qui uir bonus, atque fortis contemptus ab illo, ac neglectus, aut res nouas in regno moliretur: aut seditionem: bellumue ciuile spectaret. quod ibi necessario fit (ut iam diximus) ubi non æqualiter: neque iuste uiuitur. Quare ut remoueret a suo regno omnia hæc mala, atque incommoda, rempub. ipsam omnibus ex æquo utendam,

ac fruendam proposuerat. ita tamen ut ratione, & boni ad illam admissi: & mali inde pulsi esse uiderentur. Neque enim in Polonia improbitas, atque indignitas desperatione frangebatur unquam magis, quam Sigismundo rege, contra uero uirtus, probitas, atque dignitas hunc locum honoris, & gratiae apud Sigismundum habuit, ut cum genus ipsum illustre in claris uiris adamasset, tamen ipsa uirtute saepe posterius clarum duxit genus: gradumque ad honores amplissimos in sua Rep. uirtutem uolebat esse, non genus. Dabis mihi hoc loco hanc ueniam Nicolae Vuolsi, ut tuo potissimum exemplo me uera dicere probe. cum enim Equestri ortus esse patre, Sigismundumque, non generis neque opum, sed uirtutis commendatione esses cognitus, hunc tibi honorem ille habuit, ut te & gynaecio clarissimae, atque pudicissimae huius reginae uxoris suae perficeret: & ad te Sendomiriensem. Castellatum cum multis prouincijs deferret. Hoc ille diuino facto suo docuit, quam iustus rex esset, cum tantum tuae excellenti uirtuti fidei, ac integritati tribueret, ut quo genere ortus esses, quarendum sibi non putaret. Quid uero tu Martine Sborovskius parumne es tunc expertus, quam iustus hic rex erga te fuerit: cum tuae spectatissimae uirtutis durior aliquando conditio esset: cum enim uirtute, constantia, ac magnitudine animi inuidiam, calumniamque superares, & salutem Reip. libertatemque communem tuae oblitus maximo animo defenderes, tantum apud Sigismundum ad extremum dignitate ualuisti, ut tua nimia (ut quidam putabant) in causa communi libertas, tibi ad hunc honoris, & dignitatis gradum non obstaret, quem nunc in Rep. tenes. quin uero etiam haec ista bona, & animi & ingenij tui, in Castiliensem. hoc isto Castellatu tibi sunt apud Sigismundum suffragata. Sed quid ego hos commemoro: cum externi homines ipsi, atque aliunde orti tantum apud illum uirtute ualerent, ut illis non in regno tantum ipso, sed etiam in Sigismundi senatu locus esset. Adest enim Severinus Bonerus, uir, Vuilsemburgo quidem profectus: ita tamen ob uirtutem, ingenium, industriamque Sigismundo regi probatus, ut nihil illi obstaret, ad honores huius regni, externum genus, cum enim fides, ac industria

ac industria ipsius, in omnibus officijs, ac muneribus regni amplissimis fuisset cognita, illum Sigismundus, & salinatore fecit: & præfecturas mādauit, ac in senatum introduxit. In quo ille maiestatem reipub. uestræ cum his seruaret, qui in hoc regno e uobis sunt orti. Et tamen apud Sigismundum caruit inuidia propterea Bonerus, quod alienigena esset, ac Germanus, nō ciuis, neq; Polonus, cum illo enim Sigismundus ob uirtutem ipsius præstantem, ac singularem communicaui hoc regnum, in quo nunc ille omnibus opibus fortunæ, ingenij, ac dignitatis summa uestra uoluntate floret. Ad hunc modum Sigismundus præmijs in rep. propositis, optimi cuiusq; uirtutem ad ipsam rempub. tuendam excitabat. Qua sane ratione tantum profecit, ut nullum tempus in hac repub. feracius fuerit uirtutum omnium. pro se enim quisq; tam pace, quam bello nitebatur, ut sub optimo rege, bonus ipse ciuis esset: & ne quis, amplissimis præmijs uirtuti propositis, ipse sibi ad laudem deesset. quare tanto studio ad uirtutem, & ad gloriam exarserāt omnes, ut summi, medij, ac infirmi ad summa contēderent. testis enim hic est Ioannes Tarnouius, qui et si genere clarissimo sit ortus, tamen ad res maximas, pro salute huius regni gerendas, honoribus amplissimis ab hoc rege inuitatus, tantum uirtute profecit, ut non solum nostros imperatores omnes, sed etiam illos ueteres externos Scipiones, Marlos, ac Maximos bellica laude adæquaret. Quid uero hic Nicolaus Sieniauyiski, Belfensis Palatinus: qui præmijs a Sigismundo excitatus, cum Alexandro, ac Procopio fratribus, sic rem militarem in Russia hoc rege administrabant, ut eorum opera Russia illa afflicta, ac anniuersario hoste pene deleta, requiescat nunc, ac nouis colonijs solitudines suas cōpleat, atq; instauret: ita ut post hominum memoriam cultior Russia nuncq; fuerit, quā est nūc Sieni aulorum, & aliorum fortium uirorum opera: quorum uirtute ad hāc rem Russia stetit. Quæ cum assidujs hostibus esset exposita, fortissimorū uirorum præsidio eam Sigismundus muniendam sibi putabat: eiusq; provinciae magistratus, his potissimum mandabat, quorum animo, ac uirtute confi-

debat. ueluti nuper paulo ante, quam esset mortuus, Podolsie
Palatinatū ad Ioānem Mielecium detulit uirum fortem, ac
genere, ingenio, opibusq; præstantem. Prætereo alios mul-
tos fortes, ac claros uiros, quorum uirtutem Sigismūds ad
res maximas iustitia sua excitauit: beneficijs auxit, præmijs
uero confirmauit. Est hæc diuina summi illius uiri, ac iustis-
simi laus. qui cum amplissimo, ac copiosissimo regno potire-
tur, illius omnes copias, atq; opes, nō suæ priuatæ libidinis,
neq; compēdij sui putauit esse, sed eius reipub. cuius rex fuit,
quare quicquid poscitur erat, aut in honoribus reip. aut in
uectigalibus ipsius regis, earum rerum omnium dispensato-
rem ille se esse putabat, nō possessorem, neq; dominum. quo
etiam fiebat, ut hæc cōmunicaret omnia cum uiris fortibus,
ac de repub. benemeritis: ita ut cuiusq; dignitas, ac meritum
postulabat. summas opes regum esse ratus copiam bonorū
uironum, atq; fortium. quorum uirtus ibi iaceret semper, ubi
nullus ei haberetur honos. Quare cum Sigismundus gra-
tus esset erga optimi cuiusq; uirtutem, cōmouit præmijs pro-
positis studia hominum, non solum summorū, sed etiam me-
diocriorū, atq; infimorū. pro se enim quisq; hoc rege excelle-
re in Polonia studebat, nemo erat qui aliquid nō afferret in
medium, quo regi suo operam, ac industriā probaret. Artifi-
ces ipsi medius fidius, ac omne genus mechanicum, commo-
tis studijs, artes suas diligentius hoc rege coluerunt: cum ui-
derent operas quoq; suas placere regi. itaq; tanta copia opū
morum opificum, atq; artificum hoc rege fuit, ut Phidiae illi
ueteres, atq; Policleti, et Apelles reuixisse in Polonia uiderē-
tur: qui pingendi, fingendi, ac dolandi arte, illorum ueterum
artificum gloriā adæquarent. quorum cum multa extēs in
hoc regno opera pulchra, atque uisenda: tamen huius unius
arcis opus uincit, ac superat omnia: quam ille præstāntissimo-
rum artificum opera a fundamentis extruxit, ac Cracouiā
hoc isto præsidio muniuit, tanto sumptu, ac opere, ut nō ho-
minum, sed deorū immortalium sedes arx ista esse uideatur.
Quid uero Basilica huic templo adiūcta, paruū ne accessiōe
sui, huic ædi Venceslai decorem, dignitatēq; attulit: in qua

& pictorū operē, & sculptorū ac fabrorū singularia & magnifica uisunt. quā Basilicā ille & religione summi Dei cōsecrauit, & omnibus ornamentis, ut uidetis illustrauit, corporiq; suo tabernaculū hanc esse uoluit: in qua illud, quasi quodam regio itinere defessum, nō minus longo, quā molesto, postremum requiesceret, ac supremam mundi diem expectaret. Quanta hęc Sigismundi iustitia fuerit, quā potens, quā magnifica, quā clara apud Deum, quam nota, & probata apud homines: qui distribuēdis æqualiter præmijs, ac muneribus regni, in mutua pace ac beneuolentia suos tenuit: & ad uirtutem bonos uiros, cupiditate rerum optimarum incendit, ac in contrario genere hominū hoc ipso modo, firmabat rationes bonorū. Nihil enim apud illum cōtemptius, nihil neglectius, nihil uilius improbis fuit. ut ex hac ista ratione, boni, præmia suæ uirtuti seruari a bono rege scirent. mali uero, nihil præter contemptum ferrent, atq; pœnam. ita ille honores omnes solis bonis, ac fortibus uiris debere se putabat. quibus cum improbis etiā communicatis, boni in officio dolore redderentur remissiores, improbi uero nihilo illis ipsis honoribus fierent meliores. Quare cum præmium, & pœnam æquabiliter dispartiret, seseque ipse sanctissime gereret, uirtutes præmijs, uitia contra pœnis affectit. Cuius relictis multa extent exempla, tamen haud scio an aliud sit clarius illo, & ad sancendam cum in re militari, tum in omni uita fidem accommodatius. Cum Raduankouium centurionem ob Orneræ Prussico bello præditionem, infamia publico iudicio notauit: militesque nostros huius calamitate, ac ignominia docuit, ut pugnare potius, quam fugere: mori, quam fallere uellent. Hisce artibus Sigismundus, cum suos ciues bene uiuere, ac iuste agere docuisset, facile illam quoque iustitiæ partem, quæ legibus traditur absoluit. Cuius hęc summa apud Sigismundum fuit, ut conuenienter in hac societate nostra uiueremus. ad hunc ille finem, omnes leges suas retulit, quibus pax inter nos, cum summa beneuolentia constaret. Quas leges, si inspicias, tanquam in aliquo speculo omnes sensus Sigismundi,

ac rationes expressas uidebis . nullam in his tyrannicam mentem , nullam utilitatem ipsius propriam reperiēs . uestræ libertatis Equites : uestræ dignitatis : uestræ maiestatis sunt illæ leges : quæ in Polonia solæ regnant : ac ex æquo uobis , & Sigismundo regi uestro imperabant . Neque enim solutus est rex legibus apud uos . Nō quod illi utile , id iustum uobis , Nō quod lubet , id illi licet . Romanæ seruitutis sunt ista carmina , quæ laudat nemo , nisi seruus sit , aut Italus : qui quidē ut certius seruiret , scholas etiā sibi (si dijs placet) condidit : doctoresq; legum fecit , a quibus nil nisi seruire disceret . qui doctores inq; legum harum istarū seruiliū , transiens Alpibus uenerunt etiam cum talibus præceptis ad uos : quos hic passim iam uagari uidetis , cū hoc isto dijs irato supercilio , ac pessimo libertatis uestræ exemplo : quos uos , id quod facitis contemnere debetis Equites : & tanquā contagionem quandā , hanc istam Neronianam scholam fugere : regnoq; uestro pellere . ne istæ immundæ pecudes , inficiant pueros iustitiæ uestræ fonteis , e quibus Sigismundus hauriebat leges uestras , quibus cōmuniter uobiscum uiueret . quarum legū ille lingua , non rex : interpres , non autor : patronus , non dominus fuit , quas etiā ferebat autore senatu uolentibus , ac iubentibus uobis . In qua sane ratione cū summa moderatione , atq; æquitate animi fuisset , omnes illos ueteres Solonas , Lycurgos , atq; Cretas legumlatores uicisse mihi uidetur . nā illi seorsim a populo leges ferebant : hic uero nullam absq; senatus autoritate , ac scito uestro cōmuni legem tulit . illorum leges libidini populari , sæpe seruebant : Sigismūdi uero nulli rei seruiunt , nisi utilitati cōmuni , ac uestræ libertati . Illorū legum nimia licentia tyrānidem in ciuitatibus pariebat , nostra uero legum disciplina , nulli rei magis quā tyrannidi est aduersa . Quid ita ? quia apud leges nostras rerum , & criminum , nō personarum , neq; dignitatum ratio est . non quærebatur in Sigismundi iudicio Archiepiscopus ne , an Palatinus , Episcopus , an Castellanus , nobilis , an ignobilis , peregrinus , an ciuis reus esset . sed remota dignitate omni reorum ipsorum , de re ipsa iudicium fiebat : in quo nocentes poena

legitima afficiebantur: innocētes uero ex lege absoluebātur. Iam, quāta ipsius Sigismūdi maiestas in iudicijs publicis fuerit: quā animi æquitas: quī modus: recordamini Equites, & illam personam illius regis in iudicio præsidētis uobiscū cogitate: in qua expressa facies reipub. uestræ cernebatur. Itatus erectus, ac celsus: lati, ac patentes humeri: facies rotunda, rubentes genæ, oculi grandes, ac stabiles. minax superciliū, nasus ipse grypus, ac aquilinus, summo rege dignus. ut non Calimiri regis, sed Iouis filius uideretur iudicio præsidere, sic omnia ad imperium erant in illo rege nata, uultus, intuitus, uox, latera, silentium postremo ipsum. In iudicio nunquā audiebatur nisi cum oportebat: minus etiam nōnunquā, quam oportebat. nutu plura, uerbis pauca conficiebat. tantaq; moderatione linguæ, ac continentia sermonis fuit, ut illius, in summo imperio, nemo unquā uerbum ullum asperius audierit. Quare cum tanta iustitia, ac tanta moderatione in cōtrouersijs dijudicandis fuisset, æquos, placatosq; reos a se dimittebat: non solum eos, secundum quos iudicabat: sed etiam eos, quos contra statuebat. & cum gratiæ causa in iudicio nihil faceret, grata tamen essent omnia, quæ faciebat. ita seueritati illius, res maxime distans miscebatur comitas. sed ita tamen, ut neq; comitas, impediretur seueritate, neq; seueritas, comitate leuior fieret. Hac fama admirabili uirtutum incredibilium, cum solus ille rex, solus iustus, solus sapiens, non domi tātum, sed etiam foris uideretur, tanta ueneratione propter summam iustitiam apud omnes gētes fuit, ut iustitiæ illius fama impulsī Bohemī primum. deinde Hungari, Ludouico rege apud Mohaciū a Turcis interfecto, huic ultro duo maxima regna offerrent, quæ ille tamen nō accepit cum reprehensione multorum, eorum præsertim, qui non perspiciunt, ac multo etiam minus intelligunt, quantū ipsius regni sit opus. quod cum alta sapientia Sigismūdis cognitum, perspectumq; haberet, regna illa remisit Hungaris, ac Bohemis. ipse Sarmatia cōtētus fuit. sufficere sibi hanc materiam ratus, in qua omnē uim ingenij, ac uirtutis suæ ostenderet: tanta fuit opinio ipsius excellētis iustitiæ apud omnes,

26
tanta etiam illius moderatio. Quid uero illud cum Ioannes,
& Ferdinandus reges summis inimicitijs incensi arbitrum
hunc de Hungariæ regno ceperunt, parumne ex eo liquerit
quanta existimatio ne hic rex apud omnes fuerit: quam san-
ctissimam esse reges illi putabant: ita, ut arbitrio illius non
solum regna ipsa, de quibus ambigebant, sed etiam digni-
tatem suam regiam committerent, id iustissimum fore rati;
quod a Sigismundo probatum, decretumque fuisset. Prætere-
alia infinita domi, & foris ipsius excellentis uirtutis, atque ius-
titiae documenta, quæ ille uiuus constituit ad memoriam re-
gni sui sempiternā. - Et quoniam præcipua pars iustitiæ est
pietas ipsa, parumne hac quoque iustitiæ parte excelluit: cum
religionem illā patriam, atque uitam, cæremonias item omnes
sanctissimas, tanta ueneratione coleret, ut nihil illis melius;
nihil religiosius esset ne in monasterijs ipsis quidem. non in
his, quæ nunc sunt, sed in illis, quæ olim fuerunt. fide enim
in Deum erat summa, hominem peccatorem se cōfitebatur
esse palam, nusquam spem ueniæ, nisi in solo Christo habe-
bat, benignus in omnes, pius, clemens, ac munificus fuit. In
Ecclesia uero, ne quid nouaretur, neue ipsius religionis ulli
in re fieret commutatio, tanto studio curauit, ut in minimis
etiam rebus, quæ uix censeas, diligentissimus fuerit. Vos hoc
loco appello sanctissimi sacerdotes, qui mœsti nunc pro illo
sacrificium facitis. ecquis uestrum diligentior omnibus reli-
gionibus, atque cæremonijs conseruandis hoc rege fuit: quo-
ties ille uos admonuit, si quid a uobis non rite factum: aut si
quid de statuto sacrificio fuerat a uobis prætermisum: can-
delam ipsam cæream, mediusfidius, ut maiora prætermittā,
non suo loco stantem, aduertebat: aut si ea sacro deesset, uos
admonebat, neque uero id ille faciebat curiosus in uestro mi-
nere, sed quod minimis hisce rebus, aut sublati, aut inter-
missis, religionem ipsam intermitte, ac sensim tolli putabat.
de qua ne ulla diminutio fieret non solum præmijs, sed etiam
pœnis in seditiosos editis prouidit. Gedaneñ. enim ciues res
nouas, atque perniciosas, non in repub. tantum, sed etiam in
religione molientes supplicio affecit. summa tamen mode-

ratione, ac æquitate. paucorum enim poena contentus fuit, ad salutem reliquorum. ita ille cum fundamentum omnis reipub. religionem ipsam sciret esse, & cum sibi multorum exemplis, ac litteris suaderet, mutata religione, mutari regna, summa religione ipse fuit, & ut cæteri quoq; essent curauit. Ad quam colendam, ac retinendam, ut expeditior ipse esset, multis exercitationibus se comparabat. summa enim abstinentia ieiunabat, dies festos celebrabat: nunquã publice quicquã agebat, priusquã sacrificasset, sacroq; interfuisset, Verbum Dei diligenter in concionibus audiebat: ac iuxta illud uiuebat. sobrius in omni uita rex fuit, nunq; ebrius est uisus, nunquã uino, aut amore insolens, ac intemperans. ad hunc modum ille, cum summa moderatione uictus, fuisset paratus semper erat ad regium illud opus, atque munus. in quo exercendo carebat furore illo, qui ex intemperantia cibi, atq; uini ducitur. quo remoto summa fuit humanitate, ac incredibili religione ad ultimum usq; spiritum. ita, ut etiam animam ipsam agēs, hunc istum Vitum monachum de Dominici familia, sacrificantem diligenter audiret, ad singula uerba passionis Christi Dei nostri, suspirando, ingemiscendo, ac flebiliter precando, quo Deus ipse peccatorum ipsius immemor, beneficio autem Christi in illū, & in omnes memor, clemens, ac propitius illum ad illas beatorum sedes reciperet, ad quas Iesus Christus dominus, & Deus noster ante illum precesserat. O fidem ueram, & dignam cur isti ignes luceant, qui quidem signa sunt, atq; notæ illius ignis intimi, quo fides ipsius ardebat in Deum; charitas autem ipsa sese effundebat in proximum. hoc ergo isto diuino igne, atque recondito, semel in baptismo suscepto, cum ille arderet in omni uita, nullaq; perfidia illum uiolaret, recte hæc ista lumina, atque ignes, incensæq; faces præferuntur nunc illi mortuo, quod fidem Deo seruauit integram: charitatem autem proximo ad ultimum spiritum. quem cum iam reddiderit Deo, ex hac turba, & colluione, tanquam ex hospitio, non tanquam ex domo, in illud animorum concilium, cœtumque profectus est: ubi nunc cum fidelibus

Abraham, Isaac, atq; Iacob accumbit: eo colloquitur cum Dauid, uiuit cum Iosia iustissimo, atq; religiosissimo rege: a uos: suos, fratres, ac parentes, reges uel tros recognoscit. Hunc totum iam complectitur coelum: hunc obuijs vlnis excipiunt omnes beatorum animæ: ac illius conspectu lætantur: ab Aquilonisq; partibus aduenisse gaudent regē, iustitia, ac pietate insignem, socum felicitatis sue, atq; immortalitatis participē, quo nemo uir melior apud nos natus est: nemo pietate præstantior: Nunc ille uos ex alto intuens Equites a Deo Opt. Max. præcat, ut uos felices, ac saluos uelit esse, uestrūq; hoc regnum conseruet, quod ille summa sapientia, ac singulari iustitia uiuus rexit, ac omnibus legibus, prædijisq; ornat, atq; instruxit, summāq; in illo tuendo, conseruādōq; animi magnitudine, fortitudineq; fuit. De qua ego breuiter dicam. fuit enim hoc tertium, quod in summo rege inesse oportere diximus. Neq; enim satis est sapientem, ac iustum domi esse regem, nisi etiam is regnum saluum præstet, & ab omni externa ui defendat, qualem utiq; Sigismundum fuisse constat. Qui quo die rex a uobis est factus, motus domestici illū, deinde externi cum maximo nouarum rerum metu exceperūt. Recordamini enim Equites, qui motus ille in Lituaniā, qui timor fuerit: cum Michael Glinski homo eius gentis potentissimus, atq; seditiosissimus, mortuo Alexandro rege, principatū Lituaniæ peteret, ad quā illi rem cum & animus nō deesset, & copia, tamen is Sigismundi primum nomine, deinde cōspectu fractus, debilitatusq; arma posuit: pacemq; supplex petijt: ac postremo in illius fide fuit. mansisset autem utinam in sententiā, nunq; tantis cladibus, tantoq; hominum interitu Lituaniā cū Moschouia commisisset. Cum enim Michael Glinski moliri multa occulte in Lituaniā nunquā desisset, Ioannē Zabresinskiō marsalco Lituaniæ, appetiti principatus reus fieret, non cogitabat quomodo se regi purgaret, de quo arguebatur: sed quomodo accusatorē suū, primo quoq; tempore e uita tolleret. itaq; oblitus clementiæ regiæ, quā primo statim Sigismundi in Lituaniā aduentu, incredibilem erat expertus: iustitiæ etiam huius, istius regis

immemor

immemor, in qua etiam nocenti perfugium esse poterat, nullaq; ratione harum rerum omnium habita, multa nocte Ioannem Zabreſſinſkium aggreditur, & quieſcentem iam, ac nihil tale cogitantem inualit, ac domi ſuæ hominem nobiliſſimum occidit. Magnum crimen, ſcelus ingens, uis non ferenda, cuius ille magnitudine perterritus, ut ſcelus ſcelere cummlaret, ad Baſilium Moſchum proſugit, illumq; ad inferendum bellum patriæ ſollicitare cepit, facileq; ſua ſponte ad id iam parato Baſilio perſuaſit, ut cum Maximiliano Cæſare ſcædus faceret: ab eoq; futuri belli ſubſidium contra Si-giſmundum peteret. nihil propius eſt factum, quam ut Maximilianus immemor, tum nominis, ac generis ſui omnibus ſuis copijs ad inferendum bellum Si-giſmundo Baſilium iu-uaret. quod tãto apparatu rerum omnium a Baſilio erat geſtum, ut neq; maiori contentione, neq; maioribus copijs inter Lituanos, & Moſchos unq; certatũ fuiſſet. Hic Si-giſmundus, etſi eodem tempore alijs quoq; bellis Scythicis, Vualachicis, atq; Turcicis diſtrictus eſſet, tãta tamen animi magnitudine in bello Moſchico ſuſcipiendo fuit, ut nullum aliud bellum gerere uideretur. non terruit illum Maximiliani Cæſaris inſperatum cum Moſcho ſcædus, non copiæ ab illo ſuppeditatæ gerendi belli, non ipſius Baſilij exercitus ante hanc diem inuictus: incredibili enim celeritate exercitu ex Lituania collecto, militibus etiã ex Polonia acceſſitis, magno animo aduerſus hoſtem contendit, ac Boriftene amne ſuperato, cum hoſte acerrime conſlixit, quem memorabili pugna deuicit, non in præſens tantum, ſed etiam in poſterum: nam eo prælio uidetur omneis uires concidiſſe Moſchorum, quæ antehac graues Lituania, ac inuictæ uidebantur eſſe, & quæ ante illam cladem tantæ fuerunt, ut Moſchi præ ſecæteros mortales omneis contemnerent. Quibus deuictis tanta gratulatio omnium eſt ſubſecuta, ut etiam Romæ a Leone Decimo ſupplicatio Si-giſmundi nomine decerneretur, ſingulari genere uerborum, & numero dierum. cum enim in Leonis ſenatu Nicolaus Vuolski legatus hic Sendomiriẽ. Caſtellanus expoſuiſſet, & genus hoſtium, & uictoriæ modum,

F

res digna patribus illis est cūsa, publica ipsius urbis Romæ gratulatione, ac supplicatione singulari supplicatum itaque fuit: totaq; urbe dies festi, atq; ludi eius uictoriæ nomine fuerant instituti, dolente, ac mœrente Maximiliano Cæsare: qui captiuos etiam ipsos, per hūc istum Nicolaum Vuolski Leonī missos, interceptit: in Moschouiamq; contra ius gentium remisit. his uictorijs, atq; triumphis initia regni sui Sigismundus consecrauit, docuitq; se eum regem esse, qui et domi regnum legibus tenere, & foris armis tueri posset. Neque uero hoc bello tantum illius animi uis exitit incredibilis, sed multis etiam alijs bellis grauib; ac difficilib; . nam cum uix a Moschico bello respirasset, Scythiam magnis copijs, Russiam prouinciā ferro, atq; igne uastantem, incredibili uirtute ad Vuifniouiciū superauit: illaq; pugna, primus regum omnium, Scythas docuit, pacem bello meliorē esse. Quid autem Vualachia ipsa, Turcicis exercitibus contra Sigismundum munita, atque instructa, cum huic regno periculossimē immineret, nonne ad Obertinum postremo ab hoc rege deuicta, poenas temeritatis suæ dedit, uestroq; imperio, hoc isto Ioanne Tarnouio duce parere est coacta. Iam uero Moschouia, cum iterum fractas illas uires suas, ac desperatas repeteret, bellumq; maximum pararet, non ab hoc Sigismundo iterum deuicta bello maximo, funditus corruit: ad quod bellum gerendum Sigismundus, hunc istum Tarnouium imperatorem, ad conseruandum hoc regnum natū, miserat: qui capto, atq; euerso Starodobo, ingēti hominum strage Moschos in perpetuum deuicisse iam uidetur. Præterea alia bella uaria, atque infinita, quæ Sigismundus gessit non libidine regnandi, neq; studio gloriæ incensus, sed amore religionis Christianæ conseruandæ: cum enim Poloniæ regnum Aquilonem uersus ultimum sit regnorum omnium, gēteis finitimas habet inimicissimas partim Christiano, partim uero Romano nomine. Quare Sigismundus cum his assidue bellum gessit, non ut finitimarum rerum potiretur, sed ut religionem Christianā contra Scythas, atque Turcas: Romanæ uero sedis nomen, contra Moschos, atque

Vulachos tueretur: quod ha gentes huic sedi, hoc isto dis-
sidio Græcorum cum latinis, sint omnium inimicissimæ. So-
lus ergo Christianorum regum omnium Sigismundus, non
pro augendo, sed pro retinendo regno: non pro sua libidi-
ne, sed pro Christiana religione bellum cum tota Asia gessit:
Culus Asiæ opes cum magnis, ac insperatis q̃ictorijis cresce-
re in dies uideret, seq; præ cæteris periculis illis proximum
esse sciret: Christianos autem principes mutuis bellis dissi-
de re uideret, prouidendum sibi, regnoq; suo putauit. Quapro-
pter summa ope est conatus Christianos principes in mutuâ
gratiam reducere, illorum concordia, ac conspiratione suas
opes, atq; rationes contra Turcarû tyrânû firmare: ut minus
potēs, minûsq; formidabilis tyrânus ille uobis esset. quapro-
pter & Maximilianum Casarem reconciliata iam gratia
Viennam adierat, cuius etiam hortatu Vuladislaus frater
Hungariæ rex; cum Ludouico filio, eo quoq; uenerat. quo
in conuentu summorum regum, ille ostēdit, decuit, monuit,
Turcarum opes tantas esse, ut ab uno Christiano rege supe-
rari non possint: in concordia, ac mutua pace spem esse, sine
qua nihil esset Christianis salui. itaque Sigismundo auctore;
atq; duce facta erant Viennæ fundamenta communis auxi-
lij. quæ tamen sorte quadam, rebus nostris aduersa, non diu
manserunt. Nam & Maximilianus, & Vuladislaus uita fun-
cti, ambo spem Sigismundi sefellerunt. Non cessauit tamen
Sigismundus agere, & facere omnia quo potentia Turca-
rum occurreret. quare auxilia undique contrahebat: cum si-
nitimis foedus & amicitias iungebat. neq; uero his solis con-
tentus fuit, sed etiam cum sciret Neapolim, atque omnem
illam oram Apuliæ, societate Turcici belli cum Polonia
coniungi, amicitiam Italiæ expetiuit: hancque Bonam re-
ginam ex Sfortia familia, clarissima, atque totius Italiæ
nobilissima, ducem Bari in matrimonium accepit. ut hoc
ceū quodam illustri, ac sancto pignore, socium se belli,
ac periculorum omnium Italis profiteretur esse. uerum
cum hac ista spe finitimorum, ac externorum auxilio-
rum frustra penderet, solusque sapius cum summo rerum

suarum discrimine cum Turcarum ducibus confli-
geret, de regnoque suo iam plane dimicaret, foedus ad extremum
cum Solimanno fecit. Quid uero illi aliud faciendum fuit?
solus erat, opem ferebat nemo, spes ipsa restabat nusquam,
regnum porro suum uidebat omnibus Turcicis bellis, ac pe-
riculis esse propositum. quid tandem quaeso est. quod quis
Sigismundum huius istius foederis nomine reprehendat?
cum uideat unum e duobus illi fuisse necesse. ut aut regnum
suum in postremum discrimen adduceret. aut foedus cum Tur-
ca faceret. quod tamen ille non foedus potius, quam inducias
sibi putabat datas esse, parandi belli, nouerat enim ille a Tur-
carum tyranno, non fide, neque religione, sed occasione, atque
tempore foedera ponderari. Quare, & si ille foedus illud san-
ctissimum esse ducebat: tamen, quod nihil huic hosti crede-
ret, inter foedus illud rationes suas summo studio futuro bel-
lo parabat, ut si quando illi necessario cum Turca belligeran-
dum esset, ut eo paratior, instructiorque in aciem contra illum
prodiret. meminerat saepius se conflixisse cum hoste summo
cum periculo, Ludouicum etiam regem nepotem ex fratre
suum, uiderat uitam, & regnum profudisse, cum incertorum
auxiliorum spe, bellum Turcicum mallet, quam foedus, cuius
consilia nunc probabat Sigismundus, summoque studio
a bello illum reuocabat. ostentabat illi Rhodum, atque Comum
nobilissimas insulas consimili spe perisse. docebat Carolum
Caesarem impeditum esse bello Gallico, atque Italico, Ferdinandum
autem rusticano: Germaniam etiam totam, religio-
nis controuersia dissidentem commemorabat, nusquam spe
superesse, praestare foedus facere, quam bellum incertum ge-
rere: cuius fidelissimis consilijs cum Ludouicus non obedi-
ret, uitam simul cum regno amisit. Qua in re Sigismundus,
quam sapiens rex, atque fortis fuerit ostendit: qui rempub.
tanquam in alto nauim pro ratione tempestatum, & locorum,
& temporum dirigendam esse ducebat, ut quid tempus rei-
pub. poscat, aut quid uetet, in primis sapienti regi sit prou-
dendum. Interea tamen Sigismundus quoad uixit, cum bel-
lis mutuis Christianorum arderent res, ille non quiescit, sed

assiduū bellis, pacem regno suo quæsiuit. nunquam quēq;
 bello lacesiuit, nunquā nisi lacessitus bellum gessit. propterea etiam (credo) uictor semper extitit, singularisq; illa huic
 unī concessa erat gloria, quod hic solus regū omnium in Polonia nunquam uictus fuit. Nisi forte quis illam acceptam calamitatem apud Socalium bello Scythico huic adnumeret? quæ temeritate ducum, absente rege, bello commisso a Scythis accepta fuit, quam tamen calamitatem, ille postea infinita hostium cæde compensauit. Sic ille cum nihil temere, nihil abiecte, neq; demisse, sed summo consilio, magno, & inuictō animo cuncta gereret, facile fuit inuictus. res etiam nostras cum armis uix posset, foedere a Solimanno uindicauit, quas ille, aut perpetua pace cum hoc hoste sanctiuit; aut, si beligerandum nobis erit, paratiores, instructioresq; aduersus Turcarum opes reddidit.

Reliquum est ut de clemētia ipsius pauca dicamus, sine qua, & sapientia nihil prodest regibus, & iustitia etiam obest, & fortitudo ipsa nocentior sit suis, quam alienis nisi ipsius clementiæ moderatione temperetur. Hæc enim ferocem animū regis, ferum, & indomitum contra regni hostes, emollit suis, mansuetumq; ac benignum reddit. ut hac ista uirtute rex hostem, ab amico, peregrinū, a ciue, innocentem, a reo secernat: reis etiam ipsis fragilitatis, ac imprudentiæ in hac eadem uirtute apud regem perfugium est. hæc ista uirtus in consiliis, in iudiciis, in bellis regum uersetur necesse est, si reges non tyrāni illi uolunt perhiberi. hic enim regiæ celsitudinis ornatus est: hæc illorum commendationis est summa, hæc sola, atque unica ad immortalitatem illis restat uia. denique ex hac ista excellenti, & plane regia uirtute nascitur suauissima regum ipsoꝝ memoria: gratumq; ac iucundum illorum uersatur apud suos desyderium. Vnde enim sunt uestre istæ lachrymæ? unde hæc est misericordia, quam nunc uos præstatis mortuō? e blandita credo, hæc sunt a uobis spe ulla commoꝝ dorum uestroꝝ, & non potius expressa uestigia mœoris uestri recordatione illius optimi atq; clementissimi uiri: qui benignus in bonos, mitis in reos, indulgens in omnes fuit.

nunquam ille arrisit uitio, nunquam detraxit uirtuti, nunquā blandiens parti se dedit alicui, sed cum rem ipsam sequeretur, hoc unum propositum illi fuit, ne qua in re aberraret a uero. tanta æquitate, ac clementia, ut rerum ipsarum, ac criminum magnitudinem, cum reorum infirmitate conferret. uirtutem etiam ipsam, atque innocentiam ne approbatione insolesceret, aut dissimulatione, aut leui reprehensione temperabat. Iam uero ipsas partes magnis saepe odijs incensas, summa grauitate, ac æquabili erga utrāq; uoluntate audiebat. pollem hoc loco magnas inimicitias clarissimorum uirorum commemorare ex reipub. causa susceptas, nisi & uos meminisse scirem, & ipse præterire hanc istam ignominiam uellem. ne commemorando notare uidear autores ipsos. dabo hoc ergo illorum auctoritati: ab hisq; uobiscum una petam, ut communis salutis causa remittant animos, æquosq; ac placatos retineant huius istius exemplo regis: qui cum rex esset, possetque delinquentem coercere, æquus tamen utriq; fuit, monereq; ac hortari, interdum etiam rogare ad pacem suos maluit, quam lege, uel aut minis impellere. Ferebat enim æquo animo omnes, in liberaq; repub. non solum animum, sed etiam odium liberum esse debere duxit. hanc libertatem ille liberorum populorum cum summam esse sciret, ut uidelicet, & amoris, & odij par sit apud ciues ratio; ipse quoq; odia multorum in repub. pertulit. si tamē odium est dicenda libera expostulatio subditi cum rege. cum enim benignitas ipsius, atq; clementia nimia quibuldam, aut etiā nonnullis in rebus remissior uideretur, reprehendi se palam in senatu patiebatur: sententias in se dictas patieñter ferebat, et eas æquisimo animo refellebat, aut illis cedebat, & secundu illas, quod admittebat, corrigebat. Iam uero in comitijs ipsis, nullius regis in Polonia aures uobis, ac uestris legatis benignius unquā patebāt. attente perorantes uestros legatos audiebat: postulata uestra clemēter accipiebat, stultitiā multorū saepe, ac intemperantiā perferebat. nunquā ille aspero uerbo, aut immodestius misso excāduit, nunquā iracūdia exiuit. quā ille cū omnibus uirtutibus cōtinentiæ, grauitatis, iustit-

tia, ac humanitatis a se remouisset, facilis in rebus cognoscē-
 dis, in hominibus audiendis, admittendisq; fuit. Quanto. n.
 motu, quanta contentione illa ad Leopolum Valachico bel-
 lo pro uestra libertate cum hoc rege egistis? cū quādam
 non legitime fieri, quādam etiam negligi ab illo uobis ui-
 derentur. quæ tum grauitas, quæ animi æquitas, quī modus,
 quæ patientia huius regis, quæ uestra libertas actionis tum
 fuit? Et tamen cum iuste fortasse nonnullis irasci posset, ne-
 minem uestrum ne asperiori quidem uerbo propterea appel-
 lauit, ita, ut etiam illius ipsius actionis autores, atq; duces ma-
 ximis affecerit propterea p̄mij. ueluti hos duos fortissimos,
 ac coniunctissimos fratres Petrum, ac Martinū Zborouios,
 quorum in rep. singularē fidem, obseruantiam uero erga se
 summam cum esset expertus, utrunq; honore senatorio affe-
 cit. Quorum exemplo ille ad tuendā rempub. causamq; cō-
 munem agendā multos fortes uiros, ac industrios ex ordine
 uestro excitauit. ueluti hos duos summa spe, ac uirtute in cau-
 sa cōmuni cognitos, Petrum Boratinski Rutenum, & hunc
 Stanislaū Podlodouyski ex Sendomiriē. municipio Equi-
 tem. quī cum in cōmitijs nuper Piotrkouix habitis, quæ po-
 strema Sigismundo fuerunt, grauiorem causam reip. susce-
 pissent, quam ut utriusq; ætas pati uideretur, sic tamen a Si-
 gismundo auditi sunt, ut etiam Stanislaum Podlodouyski
 de libertate uestra liberius differentem, lachrymans audiret.
 et cum hic, Sigismundum in Polonia non imperatorē, sed re-
 gē esse diceret, legibusq; illum certis regnare oportere, sum-
 ma cum libertate orauōis differerēt, annuit ille, ipsoq; uultu
 ac intuitu significauit, se quoq; non imperatorem uelle esse
 sed regem, Quirum omnium litteris, sermonibus, ac moni-
 mentis celebrandum, & dignum, quī non dico homines, sed
 deos ipsos regeret, non illius tum mafestas, auertit illi a di-
 cente Podlodouio oculos: non aures illi clausit regix po-
 testatis conscientia, immo uero uidit, audiuit, ac sum-
 mo studio audiendā sibi ea putauit, quæ libere de repu-
 blica a Podlodouio dicebantur. Dixisses hac in Nero-
 nis senatu P O D L O D O V I T, aut alicuius regis Itali, aures

hac ista libertatis uoce appetisses. postremū illo in loco (mihi crede) constitisses, ac ultima uox tibi illa fuisset. quæ tamē ipsa grata Sigismundo fuit, iucunda nobis, gloriosa uero nunc est ipsi tibi.

Summa hæc est clementiæ laus Equites Sigismundi regis, et haud scio an omnium maxima, in libera rep. liberas uelle uerfari hominum uoces, liberas sententias, denique, liberas expostulationes, monitiones, ac reprehensiones ferre. quæ, qui rex non fert, aut in rep. non probat, non rex, sed immanis est tyrānus, qui ut homines liberos in ciuitate non fert, ita neq; linguas liberas ferre potest. Nec iniuria, tyrannus enim ipse uiuit cum omnium inuidia, iniuste, ac impie, sine fide, sine amore, sine ullo beneuolentiæ uinculo, ut merito fidat nulli, credat nemini, nulli religioni, nulli legi pareat. At Sigismundus contra, omnium, qui unquam fuerunt, rex mitissimus, atq; clementissimus, cum meminisset liberi populi regem se esse, certa religione, ac certa fide regnantem uobiscum, non ut cum seruis, sed cum liberis, non cum subditis, sed cum socijs, atq; amicis, summa beneuolentia in hac repub. uiuendū sibi esse duxit. ut ex æquo & audiret suos, & audiretur a suis. Quare, ita ille nobiscum uixit, ut non tantum aures illius, sed ipsius etiam uitæ priuatæ recessus nobis paterent. Aperta stabant illius cubicula, patebant atria, peruia erant nobis illius penetralia. nunq; excludebamur, nisi cum erat necesse. admittebamur, astabamus, audiebamur, liberæ querimonię de aliorum iniurijs apud eum nobis erant, ac qualibet de re facilis aditus, ac pene assiduus cum illo conuictus nobis fuit. ut non solum mens, sed oculi etiam nostri libere in uita, ac in omnibus cubiculis ipsius uersarentur, in quibus nullos mores tyrannicos, nullas contra libertatem nostram machinationes, nullum regni dedecus, nullam turpitudinem, nullam deniq; intemperantiā cernebamus. omnia erant in illius integerrima uita, honesta: in cubiculis uero, decora, ac cum summa regia dignitate, atque uestra libertate cōiuncta. Iam uero quoties progrediebatur e thalamo, in publicumq; se, ac in turbā dabat, quanta tū dii immortales oris illius dignitas, quæ

quæ maiestas, qui hominîs illius habitus, qui incessus, qui cõ-
 mitatus fuit? quam aptus? quam concinnus? quam grauis?
 quam cultus? quâq; summo rege dignus. Quibus rebus cum
 in animos hominû influeret, ac mentes omnium hac tan-
 ta maiestate occuparet, non timuit uenena, non insidias,
 non conspirationes ullas uerebatur. propterea etiam care-
 bat prægustatoribus, quibus tamen ipsis interdum ad spe-
 ciem utebatur magis, quam ad aliquam necessitatem. Sena-
 torum turmis, ac Equitum incedentis latus claudebatur, nō
 dori phoris hisce, neq; seruis mercenarijs. indignū enim bo-
 no rege putabat esse, metum in suo regno præ se ferri armis,
 ac in coetu suorum hostem uereri, ac propterea ab armatis
 seruari. Tyrannorum sunt ista præsidia Equites, & male co-
 gitantium hominû de rebus cõmunibus. fide Sigismundus,
 ac beneuolentiâ uestra satis se munitum putabat esse. nemi-
 nem etiam e suis metuebat, cum æqualiter omnes diligeret,
 omnibusq; ex æquo se amabilem præberet. tantūq; hac ista
 fiducia uestri profecit, ut quiete primum, ac tranquille uitam
 uobiscum degeret, deinde studijs uestris, incredibiles huic re-
 gno foelicitates, atq; opes afferret. Quā enim fide, ac uolun-
 tate erga hunc regem uos fueritis, testantur multa, atq; præ-
 clara facinora huic regi uirtute uestra parata, qui cum talem
 se regem gereret in omni officio suo, ac munere, ut ad sum-
 mā nihil a uobis in eo desyderaretur: merito tales uos quoq;
 erga illū gessistis, ut ob summa, atq; amplissima illius in uos
 ac temp uestrā beneficia, PATREM patriæ una uoce hunc ap-
 pellaretis, qui honos post conditam Poloniā huic solī a uo-
 bis est habitus. Et cum eum quem natura mortalem genuer-
 rat, uos immortalem esse cuperetis, hunc Sigismundum Au-
 gustum filium, pignus esse uoluistis fidei, ac uoluntatis ue-
 stræ erga Sigismundum sempiternum. nam cum hic Augu-
 stus admodum puer esset, soloq; illo omnes patris spes nite-
 rentur, & cum id uobis per leges liberum esset, hunc uos ho-
 norem patri habuistis, ut hunc filium ipsius, tum autem pue-
 rum, nec dum ad imperium ætate maturum, magna tamen
 spe præditum, regem uiuo patre omnibus uestris suffragijs

salutaretis, hancq; incredibilem uoluptatem patri de filio daretis, ut is uestro beneficio filium successorem sibi paratum uideret, cui nomen Iagellanae gentis, ac familiae amplissimae dignitatem, regnumq; patriū, atq; autum traderet. Magna haec uestra erga Sigismundū uoluntas, summum etiam Itudium uestrum fuit. Hanc mentem ut retineatis, mortuoq; illi conseruetis, uestrae fidei, uestrae constantiae est Equites, tum uero, ut parem animi uoluntatem retineatis in ipsius progeniem totam, quā reliquit, uos ille orat, atq; obtestatur. Aspicite Equites hanc lugubrem turbā, hanc fletu deformata corpora. Hic filius ipsius charissimus, rex uester est. haec uero illius est fidissima, ac sanctissima coniunx: illae autem moestae ac dolentes tres filiae. hunc coetum, atque hanc sobolem clarissimam regis uestri colite Equites, ac summa ueneratione summaq; obseruantia habeatis.

Tu etiam Sigismunde Auguste suscipe hunc ordinem, cuius uirtute pater tuus fuit inuictus. uides in quae pericula regnū tuum incidit, quos hostes habeas, quos etiam metuas confyderā, circumstant te undiq; pericula: auxilijs destitutos nos uides esse, nusquam in finitimis, nusq; in alienis praesidijs spes esse, undiq; circumfusa premit te Asia: hinc ex Hungaria imminet tibi Turcia, hinc Valachia, hinc Scythia, hinc bellum renouat Moschouia. Germania postremo ipsa referta genere, ac sanguine tuo, non satis tuta tibi denunciat: uides quam in medio relictus sis solus, ut secundum Deum, spes tibi nusquam restet, nisi in hoc ordine, ac in paterno imitationis exemplo, quod si tibi proposueris, & si dies, atq; noctes in eo recognoſcendo fueris, inuenies profecto, quomodo haecque tibi amplissima pater reliquit, conserues. nihil enim tibi poterit accidere noui, quod in regnando pater tuus non uiderit, aut non fuerit expertus. tu modo sapientiae ipsius ingrediare uestigijs, ad exemplumq; paternum mentē tuam in rebus optimis exerce, senatui pareas, iustitiam colas, æquus omnibus, addictus nulli fias. religionem Christi comiter conserues, rē militarem augeas, benignus in omnes, pius, ac clemēs in tuos fias, & breuiter iisdem itineribus ad uirtutem eas, quibus pa-

ter tuus peruenit. sustines eius rei non mediocrē spem, est in te præstans utroq; genere natura, est etiam, quod adolescens ista tua fert, usus rerum magnarū. omnium ora, atque oculos uides esse in te unū conuersos. cum te intuemur, tum de Sigis mundo patre tuo, tum de maioribus cogitamus. Veniūt enim nobis in mentē, ueniūt, te intuitibus sagellones illi ueteres: Vuladislai itē, Casimiri, atq; patrui tui clari uiri. quorum uirtute, dignitate atq; exultatione apud omnes gentes fuimus illustres. Qui, si quis mortuis sensus est, memoriā nominis sui, dignitatem huius regni, ac omnium nostrum salutem tibi cōmendant, a te petūt, ut suscipias causam nostrā, utq; hanc remp. & pro illorum dignitate, & pro tua gloria, ac pro nostra salute administres. Idem moriens tibi mandat pater, atq; hoc in loco iacens a te postulat. Adest enim profecto, adest illa uis hic corā, qua hoc mortale uigebat corpus, & quæ hoc isto corpore ad nostrā salutem usa est. hæc inquā uis diuina, atq; immortalis patris tui, hic coram astant, te intuetur: tuam fidem implorat, hæc abs te petit, ut ea omnia, quæ in templis, quæ in foro, quæ in regno hinc decedens reliquit tibi pater, uirtute, fide, atq; constantia tua conserues, ac defendas. utq; memor sis te Poloniæ regē esse, in tua persona huius reip. faciem expressam esse, utq; ob id non publica tantum, sed etiā tua priuata (si tamen quid tui priuati hoc in regno est) ut ea inquam omnia ad summam, ac amplissimam regiam dignitatem tuam referas. quod si tu qua in re titubaueris, aut ab officio tuo deflexeris, cadet hoc regnum, stare diu non poterit, tua enim sapientia illud nitatur, tua iustitia stet, tua uirtute defendatur, deniq; tua clemētia floreat necesse est. Hoc magnopere abs te flagitat pater hoc nos speramus, hocq; debitum munus abs te expectamus.

Vos etiā patres conscripti, quos diuina fors quædam huic regi fecit superstites: manete in hac custodia reipublicæ, in qua uos ille uiuus collocauit, uigilate, multæ sunt insidiæ nobis, multæ inimicitia, hostes infiniti, pericula uero tanta, quanta post conditum hoc regnum, non fuerunt. nusquam salutis spes ostenditur, nisi in uestra

concordia, erigite uos per deos immortales, ac odia, si quæ uobis insunt, reipub. causa ponite: ut commune officium senatorium, communi animo, ac uoluntate defendatis. Quid enim salui in hoc regno fore putabitis distracto in partes senatu, uariatis uestris sententijs, Equitibus postremo ipsis uestris inimicitijs diuisis, atq; incelsis? lam uero metus externi hostis, ac imminētis periculi uos in mutua pace, atq; beneuolentia contineat. quæ res semper apud optimos, ac præstantissimos ciues plurimum potuit. ut quo die magistratum inirent, eodem in gratiam redirent: turpe sibi fore ratum, cum in rep. eadem societate coniungerentur, non eadem eos fide coniungi: quæ ibi esse nequit ubi concordia est nulla. Fecerunt hoc illi ueteres sine Deo homines Græci, Scipiones, Lepidi, Metelli: uos qui certo, ac uero Deo uiuitis, non facietis? præsertim cum finem legis uestræ charitatem sciatis esse. quam si ex ordine uestro tollitis, & temp. amittetis, & uos ipsi peribitis. non est enim quod quis speret rectis consilijs ibi locum esse, ubi charitas est nulla, & ubi in locum huius, successit odium et iracundia. ira enim uiri Apostolo teste, iustitiam Dei non operatur: quid dicam odium ipsum? quod cum inueterauerit, animi lumen extinguit, densasq; menti tenebras offundit. ueniant uobis in mentem patres conscripti quanta odia illa Græcorum, quanta Romanorū, quanta etiam hæc ista recentia Hungarorū fuerunt. quibus odijs potentissimæ nationes, ac florentissima imperia corruerunt. Senatorum (mihi credite) culpa illa fuit. dum enim se quisq; in rep. ostendat, dum potentiam suam iactat, dum operā uenditat, postremo dum se magnum uult uideri, calamitate communi, & senatus, & plebs una perit. Ne hoc sinat Deus Opt. Max. in cuius cura sumus, ut hoc inclytum regnum, hic inuictus populus uestras discordias publico luat interitu. Quare uincite per Deos immortales animos patres conscripti, ac illos retinete in officio. plus apud uos ualeat malum publicū, odio priuato uestro. date hoc reip. patres conscripti, date nobis, date salutē communi, date uobis ipsis, coniugibus, liberisq; uestris. quorum supplicio, ac interitu expiabuntur mihi

credite discordiæ uestræ, nisi prouideris, reijcite controuer-
 sias priuatarum rerum, sit resp. seges, & materia uestræ glo-
 riæ. hanc exercete per deos immortales patres conscripti,
 quæ multis circumspecta hostibus, ac magnis undiq; cincta
 periculis, uobis supplices manus tendit, uos orat, atq; obte-
 stat, ut reconciliatis uestris animis, saluam, atq; incolumẽ,
 illam uelitis esse, & certe talem, qualis Sigismundo rege fuit:
 hoc res ipsa publica, hoc etiam Sigismundus a uobis ipse po-
 stulat. qui hunc filium suum charissimum, atq; optimum re-
 spectans uos ex alto intuetur, a uobisq; petit, per Deũ ipsum
 quem caste, religioseq; in Polonia coluit: per rempub. quam
 amplissimam uobis reliquit: per salutem uestram, quæ illi ui-
 ta propria charior uiuenti fuit ut cum hoc Augusto rege, fi-
 lio autem suo coniuncti inter uos fidelissima gratia, & reli-
 gionẽ Dei Opt. Max. & dignitatem resp. & salutem omniũ
 cõseruetis. Non est, nõ est tergiversandi locus: monent om-
 nia, urgent omnia, atq; instant. Quãtum tandem huius mor-
 te hostium animos creuisse putatis? num Moschoufã? num
 Scythiam? num Turciam? atq; Valachiam, parũ huius
 morte sperare cœpisse existimatis? occasionem mihi credite
 huius morte, ad occupandam Poloniam sibi oblata esse na-
 tiones illæ arbitratur, quæ quidem omnes nullis uobiscum,
 neq; legibus, neq; certo pacis iure sunt coniunctæ. In concor-
 dia ergo uestra, ac in mutua beneuolentiã spes omnis sita est
 salutis communis, atq; huius reipub. retinendæ. Quæ nunc
 morte regis sui exanimata, ac prope cõuulsa sedibus suis ad
 complectendum conseruatorem suum gemens, ac mœsta ue-
 nit, illi gratias agit mortuo, tibiq; in primis summe Deus.
 qui hunc hominem ad genus humanum conseruandum, &
 ad hoc regnum constituendum in terras miseris. cuius be-
 neficio ad hanc diem stant res nostræ, ac cuius opera hoc re-
 gnum floret ingenijs, ualet opibus, pace, ac ocio fruitur, ac le-
 gibus optimis uiuit. huius postremo monimenta multa, ac
 præclara æternitate ipsa consecrata assidue intuetur. Tibi
 nos Sigismunde hæc omnia debemus, tibi hæc accepta feri-
 mus, tua munera sunt ista, tua summa beneficia. per te nos

Illustrati sumus, per te exteris gentibus cogniti, te autore, atq;
 duce Polonum uenerabantur nomen omnes gentes Græcæ,
 Latinæ, ac barbaræ. tuis uictorijs hosles nostri debilitaban-
 tur, tuo foedere, ac societate amici nostri lætabantur, tu iudex
 regum, tu pacificator gentium, tu moderator nationum, ac
 conseruator omnium fuisti, tu hanc remp. affinitatibus pri-
 mo, deinde coniugijs cum exteris nationibus coniunxisti.
 tu autor legum nostrarum, tu magister morum, ac discipli-
 næ fuisti. hem nostra lux, nostrum desyderium Sigismunde
 iaces, ad quem nūc confugiemus, a quo opem petemus, quē
 hostibus nostris opponemus, qua pace, quo bello, quo foede-
 re nitemur? O acerbā mihi Equites memoriam harum re-
 rum omnium: o flebiles exequias, o uitam infœlicem, quæ
 orbata es hoc isto rege, atq; patre. tibi enim morte huius or-
 namenta sunt detracta, tibi præsidia adempta, tibi solatia
 sublata. solus hic restat tibi dolor, mœror, ac gemitus. In quo
 tamen ipso, luctu, ac mœrore nostro, Sigismunde Auguste
 rex ad te uenimus, tibi nos penitus tradimus, tu spes nostras,
 patris tui morte fractas, restituas; tu salutem conserues; tu li-
 bertatem nostram legibus, atq; armis defendas. Vos etiam
 Equites, atque uos patres conscripti, memoriam regis uestri
 pie, inuiolateq; seruabitis. plura ne dicam, tuæ me Auguste
 lachrymæ impediunt, uestraq; Equites, non solū meæ, qui-
 bus mouemur, ut a Deo precemur, quo Deus huic mortuo
 propitius, nobis uero benignus uelit esse.

D I X I.



AD SIGISMVNDVM POLONIAE
 REGEM ATQVE EIVSDEM
 NOMINIS FILIVM

INCERT. AVTH.

QUæ nam te fata? aut quis te Sismunde deorum
 Eripuit nobis? quis funere meruit acerbo?
 Ut qui unis poteras animo maturus, & ævo,
 Sauromatas domuisse truces, piclosq; Gelonos
 Imperio frenare, tui tam triste relinquas
 Excedens desiderium: ut tua funera tristis
 Bellipotens Geticas Mauors qui temperat oras,
 Spectet, & Arctoos iam propulsare furores.
 Te sine uix possit: tantum tua uiuida bello
 Dextera, tantum animi potuere ad praelia facti
 Atq; ad pacis opus: quam pugna quærere & armis
 Consuesti, & longe insidias, longe hostica castra
 Pellere, nil metuens pulchram per uulnera mortem.
 Quum modo te armatum gelidi timuere Triones,
 Aut modo deuictæ spolijs te gentis onustum
 Accepit patria, & templis indixit honores.
 Insolitos, uirtute sui lætissima regis.
 Iure ergo parta populos in pace regebas,
 Temporaq; emeritæ degebas læta senectæ:
 Nunc uetus imperium nato, proauitaq; regna:
 Astra petens seruata manu & pacata relinquis.

34 Quare age cura Deū, & Sismundi certa parehels
Effigies Sismunde tui, atq; ut nominis hæres,
Sic regni, imperium serua quod suscipis: & te
Æqualem uirtute patri, atque insignibus armis
Ostende, ac Scythicos iam num meditare triumphos.
Interea Mauors primis tibi cultus ab annis
Viderit ut, lege ac bello te regna tueri,
Ticum aderit felix, tecum tua bella reuifet.
Tum pater è cœlo letabitur, & Bona mater,
Se genuisse uirum, tantæ qui pondera molis
Ferre queat: reuocetq; antiquæ secula uitæ
Non pietate minor, quam bello & fortibus armis.

AD SERENISSIMAM BONAM
POLONIAE REGINAM

INCERT. AVTH.

O Magni regina parens dignissima regis,
Et magni quondam regis fideissima coniux,
Cui bello clare gentes, tot regna, tot urbes
Arma ferunt, spirat Boreas quacunq; serenus,
Et sibi uicinas qua terras despiciet Arclos:
Quid iuuat absumpti lugentem fata mariti
Crudeleisq; deos, crudeleaq; astra uocare?
Et casta infano corrumpere lumina fletu?
Qualis Iteum in densis cum deflet Daulias umbris
Mater, & antiquas repetit memor ore querelas.
Siste oro lachrymas, & inanes desine luctus,
Se fieri uetat ille, ingens tua cura maritus,
Nescius ille mori, uiuusq; per ora uirorum
Perq; animos uolat, & solenni laude uirescit:
Et iam iam meritas coeli subuectus in arces,
Sub pedibus latus nubes & sidera cernit.
Tum curæ regina tuæ communia mandat
Pignora, ut imperium miti modereris habena
Concordi cum prole fide, uestriq; senatus
Consilio, & pacis studijs, horrentia longe
Arma fuges: tum si impendere uidebitur hostis,
Ne belli terrere minis, hoc sospite nato:

Qui tibi non expert crescit uirtutis amica,
Sismundo nec patre minor, sed fortibus armis,
Et gentis claræ auspicijs felicibus, olim
Tristibus obsistet bellis, Scythicoq; tumultus
Comprimet: ac fixis deuicto ex hoste trophæis,
Barbaricis diues spolijs exercitus omnis,
Augustos læta celebrabit uoce triumphos.
Nec te Sarmaticæ tantum celer incola terre
Fronde sacra, et uernis ornabit Vistula fertis:
Sed tanti matrem regis uenerabitur Albis,
Atq; ingens Ister, gelidiq; Borystenis unda:
Quiq; alius longo tractu per plana uolutus
Mille trahit secum uaga flumina ceruleus Rha,
Cumq; furens, tumidu nido agmine aquarum
Procescit, centum rursus in æquor,
Hircanum placidis liquido pede iussit in æquor,
Blandior assurget cornu iam uester, utroq;



2 1018

6

99 95 6021

MC

